



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

11,400

Handwritten text in blue ink, possibly a signature or name, written over the patterned background.

9(47925)
Z-85



ՄԻՐԵՅԻԼ ՅՈՎՀԱՆՆԻՍԵԱՆ

159

ԳՈՐԴԵԱՆ

ՀԱՆԳՈՅՑԸ

(ԹԻՐԳԱՀԱՅՈՑ ՀԱՐՑԻ ՎԵՐՁԻՆ ՇՐՋԱՆԸ)

ԳԻՆԵ Է 20 Կ.

Թ Ի Ֆ Լ Ի Ս

1907

ՄԻՔՆԵԼ ՅՈՎՀՈՆՆԻՍԵԱՆ

9(-9799)

137 AUG 2007

Գ Ո Ր Դ Ե Ա Ն

Հ Ա Ն Գ Ո Յ Ց Ը

(ԹԻԻՐԲԱՀԱՅՈՑ ՀԱՐՑԻ ՎԵՐՁԻՆ ՇՐՋԱՆԸ)

Handwritten signature

ԹԻՖԼԻՍ
1907

13.06.2013

12716

11,96

I.

ՀԱՅԿԱԿԱՆ ՀԱՐՅԸ ԱՐԵՒՄՈՒՏՔՈՒՄ.

Ամերիկան և րիւսական դասը:—Եւրոպական հայապահպանի
դիւնուր և խորհրդաւոր մերժում-պատասխանը.—Ի՞նչ է սալիս
մեր պրոպագանդը Արեւմուտքում:—Հայ բուրժուազիայի պատմական
դաւանանքիւնը:

Ռուզվելան էլ մերժեց... 1) Եւրոպայից յուսախար՝ արևմտեան
հայութիւնը յառել էր աչքերը դէպի անգրովկիանեան Հանրապե-
տութիւնը: Մեծ յոյսեր չէր տածում, բայց որոշ փաստեր գրաւա-
կան էին, որ տանջող ժողովրդի ազդեցութիւնը հաւանքը անարձա-
զանք չը պիտի մնար Վաշինգտոնի հայրենիքում: Միացեալ-Նա-
հանգները եւրոպական պետութիւնների չափ շահագրգռւած չէին
«Հիւանդ մարդու» վիճակով, իսկ նախագահ Ռուզվելտը վերջին
տարիներս վաստակել էր քաղաքակիրթ աշխարհի հանրային կար-
ծիքի առաջ՝ Անշւածների ասպետի համարում:

Մակերեսային դատողութիւն — անշուշտ: Շահի փիլիսոփա-
յութիւնը ղեպական քաղաքականութեան հիմնաքարն է, Եւրոպայում,
թէ Ամերիկայում, և իզուր իդէալիստ լաւատեսները ոգևորւած
ծափահարում էին, սրանից երեք տարի առաջ, ամերիկական մի-
ջամտութիւնը յօգուտ Ռուսմանիայում ճնշւած հրէաների... Շահի
քաղաքականութիւնը այդտեղ ևս խօսում էր բարձրաձայն. դա-

1) Ներկայ գրւածքը—ընդարձակումն է մի շարք յօդւածների, որ մենք
հրատարակել ենք «Յառաջ» օրաթերթում, Ռուզվելտի յայտարարած մեր-
ժումի առթիւ: Հարկ է յիշեցնել, որ Ամերիկական Հանրապետութեան նախա-
գահի մերժումը, ըստ երևոյթին, անվերապահ չէ: Տեղիք կայ յուսալու, որ չը-
նայած պաշտօնական հրաժարման՝ Ամերիկայի պատգամաւորութիւնը պի-
տի աշխատէ ժողովուրդը ու պաշտպանել հայկական հարցը Հաագի առաջիկայ թոր-
հրդածողովում:

Մ. Յ.

Թ Ի Ֆ Լ Ի Ս

Տպարան «ՀեՐՄԷՍ» Մաղաբեան փող. 5.

1907

(228)



686-89 9

դարեց հրէաների գաղթը զէպի Ամերիկա, լոեց այդ առթիւ յաբուցւած բողոքը ամերիկական քաղաքացիների մէջ—և միջամտութեան, մարդասիրութեան ձայնն է լոեց:

Հայոց նկատմամբ կար մի ուրիշ դրական հանգամանք: Ամերիկան ի շարս ուրիշ պետութիւններէ երկար տարիներէից ի վեր «ազդեցութեան պայքար» է մղում Բոսֆորի ափերում և հայկական բարձրավանդակի վրայ: Բողոքական միտիօնարները, դեռ ևս մեծ կոտորածներից առաջ, ծաւալել էին Փոքր Ասիայում մի տենդային գործունէութիւն: Նրանք հիմնել են բազմաթիւ դպրոցներ, որոնք պատրաստել են մի ամբողջ սերունդ թարմ, կորովի հայ երիտասարդների, որոնցից շատերը կենդանի մասնակցութիւն են ունեցել մեր մատաղ ազատագրական շարժման մէջ:

Վերջին տասնամեակում յեղափոխական ու հակափոխական փոթորիկներէ միջոցին այդ կրթական հիմնարկութիւնները շատ անպատճառ են թափուել ևն փորձութիւնների: Վտանգուել են յաճախ նոյն իրենք միտիօնարները, և այդ հանգամանքը զրգուել է ամերիկացիներին, ստիպել է նախագահ Ռուզվելտին մի քանի անգամ—վերջին երկու տարիների ընթացքում—ուրջ ազգարարութիւններ անել Բարձր Դրան, հատուցում պահանջել: Եւ ամեն մի այդպիսի ազգարարութիւն, ամեն մի սպառնալիք, ուղղւած սուլթանին ամերիկեան հզօր հանրապետութեան կողմից՝ խրախուսել է հայ ժողովրդին, թելադրել է նրան, որ մի նոր ծանրակշիռ ֆակտօր է աւելանում քաղաքակրթւած արէօպագում՝ սուլթանական կամայականութեան դէմ: Խեղճ ժողովուրդ...

Եւ այդ ժողովրդի կրթւած, տարադիր զաւակները վճռեցին օգուել նպաստաւոր տրամադրութիւնից,—նրանք ձեռնարկեցին եռանդուն պրօպագանդի՝ ամերիկեան քաղաքացիների մէջ, մտնուլի, միտինգների միջոցով սկսեցին յուզել հասարակական կարծիքը ի նպաստ թիւրքահայաստանի: Հրատարակել սկսեց «Armenia» թերթը, անգլիերէն լեզուով և ամերիկացիների մասնակցութեամբ, ամբիօններից որոտաց եկւոր անւանի եւրօպացիների ձայնը, Իւրբէն Գօհիէ, Լեօ Ռուա Բօլիօ և ուրիշները բազմամարդ ժողովներում փաստաբանեցին հայկական դատը և հրաւիրեցին Ամերիկայի միջամտութիւնը: Եկաւ հայ կաթողիկոսական պատգամաւորութիւնը «Ինչնակցութեան» Պարիզի ներկայացուցչի հետ և սիրալիր ընդունելութիւն գտաւ ձերմակ տան մէջ. Ռուզվելտ վճռա-

կան կերպով խոստացաւ, որ պիտի գործ դնէ բոլոր հնարաւոր միջոցները՝ հայ դատի լուծման նպաստելու համար:

Վերջապէս, դիմումն եղաւ նոյն Ռուզվելտին՝ Ֆրանսիայի, Անգլիայի, Շվեյցարիայի և այլ երկրների ակամաւոր քաղաքացիների կողմից, զրկեց նրան յիշատակագիր, որով նրանք խնդրում էին զնել տաճկահայոց հարցը Հաագի առաջիկայ Խորհրդաժողովի սուջա:

Դրանից քիչ յետոյ Ռուզվելտ պօմպով հրատարակել տւեց ամբողջ արեւմտեան մամուլի մէջ այդ եղակի յիշատակագիրը—մի բան, որ փոքր ինչ յոյս ներշնչեց հայ գաղութներին...

Եւ դարձեալ—իզուր, և դարձեալ անողորմ հիասթափութիւն... Երկու ամիս էլ յետոյ, հրատարակեց—մերժում:

Ահա այդ մերժման ձևակերպութիւնը. «Թիւրքահայտակ հայերի տառապանքները բարձրաձայն օգնութիւն և դարման են աղաղակում: Այդ տառապանքները վրդովել են համայն մարդկութեան մարդասիրական զգացումները և աշխարհը միացած է ողբալու և դատապարտելու այն ցեղային թշնամութիւնները, որոնք տիրում են թիւրքիայի բնակչութեան տարբեր տարբերի մէջ: Ոչ մի ճշմարտասէր մարդ չի կարող ակնատես լինել նմանօրինակ զէպքերի՝ առանց ուզենալու ոյժի դիմել՝ նրանց առաջն տեսելու համար:

«Ես անկեղծօրէն ցանկանում եմ, որ Միացեալ—Նահանգները ունենան այդ ոյժը. բայց նոյնքան անկեղծութեամբ ես համոզւած եմ, որ Միացեալ Նահանգների արած ջանքերը, որոնք անհրաժեշտաբար չեն ունենայ իրաւական ու հզօր միջամտութեան ոյժ, կ'առաջացնեն քիչ բան կամ ոչինչ, և այդ ջանքերը պարունակելով իրենց մէջ յանդիմանութիւն ուրիշ ազգերի գործողութիւնների ու շարժառիթների նկատմամբ՝ մեծ բարիք չըպիտի արտադրեն այն դժբախտ էակների համար, որոնց ցանկալի կըլինէր նպաստել»:

Ի՞նչ հրահանգներ ենք քաղում անցքերից... Ի՞նչ է ուսուցանում մեզ այդ սիստեմատիկ անաջողութիւնը, որին հանդիպում է հայկական դատը արեւմտեան աշխարհի առջև:

Թողնել պրօպագանդը և խաչ դնել մի անգամ ընդմիշտ հասարակական կարծիքի վրայ: Ապարդիւն հոչակել ամեն մի փորձ յուզելու լուսաւոր ժողովուրդներին և նրանց հրամանատար առաջնորդներին:

Երբէք: Նրանք, որոնք տրամադիր են այդպէս քարոզելու, նրանք թիրևա առաջիններն էին, որ Կամանակին ոմբակոծում էին

հայ յեղափոխական գործիչներին, յորդորելով նրանց՝ դարձնել իրենց ուշադրութիւնը արիւնոտ կրկէսից դէպի Եւրօպա, դէպի միտինգներ ու բանկետներ, պարլամենտական հարցապնդումներ և միևնույն քաղաքական ինտերվիւներ:

Եւրօպական պրօպագանդ.—այդպէս էր լօզունդը որոշ շքր-ջաններում, դեռ 90-ական թւականներին, երբ Մեծ Հայաստանում առաջին անգամը հնչեց յեղափոխական մարտակոչը և նրա հետ ցայտեց առաջին արիւնը:

Եւրօպական պրօպագանդ.—աւելի թափով գոռացին նոյն շքր-ջանները՝ ջարդի օրերին, այն սև օրերին, երբ թիւրքաց Հայաստանը դարձաւ մի վիթխարի սպանդանոց... Հայ հասարակութիւնը մենակ էր թողել յեղափոխական մարտնչողներին, մենակ, քչւոր, անզէն, սնոյթ... Հայ հասարակութիւնը թերացել էր իր ամենատարրական պարտականութիւնների մէջ, նա խուլ էր ձևացել «զէնք ու օգնութիւն» աղաղակների հանդէպ, նա նետել էր հայ մասամներին ի յաստ ձակատագրի, և երբ կատարեց հրէշային անանուն ոճիրը, երբ անզէն, անպաշտպան պարիսները տասնեակ հազարներով ընկան աւինի ու ետթաղանի տակ, այն ժամանակ մի սրտուռն ճիշ բարձրացաւ հայկական բոլոր հօրիգօններում,—նոյն իներտ ու ճոռոժ հասարակութիւնը, որ պատեհ ժամանակին դաւաճանօրէն երես էր դարձրել և՛ յեղափոխականներից, և հայ դատից, անէ՛ծք կարգաց յեղափոխական կազմակերպութիւններին, որոնք իբր թէ սատար էին եղել մեծ ողբերգութեան, զէնքի էին դիմել, փոխանակ աշխատելու Եւրօպայում, պարլամենտներում, դիւանատներում...

Վարագոյրն իջաւ այդ սև շքջանի վրայ և հայ մարտիկները դիմեցին նաև մի ուրիշ, տարբեր աշխատանքի: Հայ բուրժուազիայի այդ պատմական դաւաճանութեան հանդէպ ատամները կրճատցնելով՝ Հայ Յեղափոխական Դաշնակցութիւնը իր մտաւոր և նիւթական ուժերի մի մասը ուղարկեց Եւրօպա: Եւ ահա մի շարք փայլուն ձեռնարկներ... Հեղինակաւոր հրատարակութիւններ, հրակայական միտինգներ ու միայուն կօմիտէներ՝ քաղաքակիրթ կենտրոններում, Ֆրանսիայում, Անգլիայում, Իտալիայում, Բելգիայում, Շվեյցարիայում... Նւաճեցին մեր դատի համար Ֆրանսիական հասարակութեան ծաղիկը. ընդամենը մի երեք տարւայ ընթացքում, շնորհիւ հաւաքական աշխատանքի, արեւց աւելի, քան արեւ էր 15 տարուց ի վեր Բրուսայիների ու Չերպոնների ձեռքով:

Այդ բոլորը ապարդիւն.—երբէք: Մի յայտնի ժամանակ միևնույնութիւնը Ֆրանսիայում միանգամայն տրամադրւած էր դէպի հայասէրները. նրանք կարողանում էին առաջ բերել այս կամ այն քայլը յօգուտ թիւրքահայի, իրագործել էին տալիս այս կամ այն անյետաձգելի պահանջը: Նրանց միջամտութեամբ՝ Ֆրանսիական նաւերը 1901 թւին ուղարկեցին Ալէքսանդրեաթի ծոցը, արգելելու համար նոր անխուսափելի ջարդերը կիրիկիայում, նրանց ջանքերով Ֆրանսիան աւելացրեց Մեծ Հայաստանում իր հիւպատոսների թիւը, յատկապէս վտանգաւոր վայրերում. նրանց շնորհիւ երբեմն նոյն իսկ կանգնեցւում էր դահճի ձեռքը Տաճկահայաստանում, հայ ինտելիգենտը ազատւում էր կախաղանից, մանրամասնութիւնները հարկ չը կայ յիշել...

Ողորմելի պալլիտատիվներ—անտարակոյս: Եւ երբ «Դաշնակցութիւնը» պրօպագանդի միտսիայով դիմում էր Եւրօպա, երբ մեր աննման առաջամարտիկը, դառն հիասթափութեան մէջ, զգւած հայ հասարակութեանը անվերջ կոչ ու յորդոր անելուց, երբ նա անէ՛ծքը շքրունքներին մասն էր ածում իր տանջւած մարմինը, գնում էր բաղխելու աղբեցիկ եւրօպացիների դռները,—նա և իր բոլոր ընկերակիցները գիտէին, անշուշտ, որ իրենց ջանքերը չը պիտի պսակէին բողոքաւ աշողութեամբ: Պրօպագանդի որոշ օգտակարութիւնը գիտակցելով հանդերձ, նրանք միւս կողմից ուզում էին խելքի բերել այն նախապաշարւած «ամբողջային տրամաբանութիւնը», որը յամառութեամբ պնդում էր, թէ Եւրօպայում հասարակական կարծիք պատրաստելը մի պանայիւրմ է, մի տեսակ համագարման հայ ժողովրդի անբաւ ցաւերին... Նրանք գիտէին, որ իրական միջամտութիւն հրաւիրելու և գործնական հանգոյց լուծելու համար՝ անհրաժեշտ է՝ և էական է՝ բուն երկրի գործունէութիւնը...

II

ՌՈՒՍՍՍՏԱՆԻ ԴԵՐԸ

Non possumus.—Ռուսաց քաղաքական հարիւրը ևւ հայ յեղափոխիկները.—Եւրօպական հանրային կարծիքը ևւ հայոց ազատագրական շարժումը.—Մի խոր քիւրիւսցուրիւն.—Պալլիտատիվներ ևւ արմատական շեփօմներ:

«Ես անկեղծօրէն ցանկանում եմ, որ Միացեալ Նահանգ-

ները ունենան այդ ոյժը, բայց նոյնքան տնկեղծութեամբ ես համոզւած եմ, որ Միացեալ Նահանգների արած ջանքերը, պարունակելով իրենց մէջ յանդիմանութիւն ուրիշ ազգերի գործողութիւնների ու շարժումների նկատմամբ՝ մեծ բարիք չը պիտի արտադրեն այն դժբախտ էակների համար, որոնց ցանկալի կը լինէր նպաստել»...

Ո՞վ չը գիտէ, որ «ուրիշ ազգեր» տեսելով, հասկացուած է զըլխաւորապէս մէկը,—մէկ պետութիւն, որ վերջին 15 տարւայ ընթացքում օսմանեան բռնակալութեան պատւարն է եղել և խրախուսողը նրա բոլոր զազանութիւններին...

Եւ քանի՜ քանի անգամ այդ նոյն դարձեաժը, այդ դժբախտ ու խորհրդաւոր ֆրազը արտասանել է այս ու այն դիպլոմատի բերանով: Սոլաբերի, Բերտըլօ, Իէլկասէ,—բոլոր նրանք, որոնք գիււանագէտ լինելով հանդերձ, պահպանել են մի մաքուր անկիւն իրենց սրտի մէջ, բոլոր նրանք, որոնք մետերնիխեան տրագիգիտները շարունակելով հանդերձ՝ փորձել են զէթ մասամբ կատարել իրենց մարդկային, քաղաքացիական պարտականութիւնները, թեթեւացնել լծի տակ գտնուող թշուառ, մորթուող ազգերի վիճակը,—նրանց բոլորի հայնպաստ փորձերը գարնել են միշտ մի դաժան ոգու, մի հզօր ուժբռնակալ ոյժի և խորտակել... Այդ ոյժը ուստական գիււանագիտութիւնն է...

Ռուսաստանը վճռական ֆակտոր է հայոց հարցի լուծման խնդրում և նրա դերը ճակատագրական է այդ հարցի էօլիցիայի մէջ: Ամեն անգամ, երբ հայ ազատագրական շարժման թափերով յարուցել է Եւրօպական միջամտութիւն, ամէն անգամ, երբ այդ միջամտութիւնը, մասնաւորապէս Անգլիայի ջանքերով, ձգտել է ձեակերպել իրական, ազդու ռէֆորմների ծրագիր և իրագործել այն մեր դժբախտ երկրի ամենադժբախտ հատւածի մէջ—այդ ֆակտորը ծառայել է իր ամբողջ հասակով Եւրօպայի առաջ և դաժան անարտութեամբ հակադրել է միշտ գիււանագիտական ստակալի մաքսիմը՝ Non possumus! (Չեմ կարող):

Այդպէս՝ 90-ական թւականներից ի վեր: Բէակցիայի հողմը, որ Ալէքսանդր III-ի դահակալութեան հետ փչեց անլուր մոլեկոնութեամբ կայսրութեան ամբողջ տարածութեան վրայ, ունեցաւ իր զօրեղ անդրադարձումը նաև արտաքին քաղաքականութեան վրայ: Հայը վտանգաւոր տարր էր հուշակած կայսրութեան ներսում, նա վտանգաւոր էր և կայսրութիւնից դուրս, Տաճկաստանում, Պարսկաստանում, երկրագնդի բոլոր ծայրերում:

Յիշէ՛լ արդեօք այն անողորմ հալածանքը, որ պօրեղօնօսչեվեան ամենակարող ըէժիմը ուղղել էր տաճկահայ ազատագրական շարժման դէմ, Տաճկաստանում և Անդրկովկասում, այն անհամար բանտարկութիւններն ու աքսորները, որոնցով Ռուսաստանի հին ըէժիմը ձգտում էր ջլատել հայ կոմիտէների գործունէութիւնը, հայ ռազմիկների սուանց այն էլ ցանցառ շարքերը, մի հալածանք՝ որ ի վերջոյ յանգեց Լօրանօվեան անսիրտ, տմարդի ինտրիգներին Տաճկահայաստանում և Գօլիցիներին ու Բըկօվներին համիդալայել սխրագործութիւններին՝ Անդրկովկասում...

«Հայաստանը առանց հայերի»—անա այդ Լօրանօվեան նշանարանը:

«Մենք չենք ուզում մի երկրորդ Բուլղարիա մեր սահմանին վից»—անա ուստական դիւանագիտութեան մի ուրիշ սիրած դարձեաժը:

Եւ այդ քստմնելի նշանաբանները հայաստանցու տունը քանդեցին... Պետերբուրգը միշտ անկարեկիր հանդիսաւես եղաւ Համիդի բոլոր զազանութիւններին: Պետերբուրգը քաջալերեց, սատար եղաւ 1895—96-ի մեծ ջարդերին:

Եւ ո՞վ է այն տխմարամիտ «քաղաքագէտը», որ կարծում է թէ Ռուսաստանը հէնց այդպէս էլ պէտք է վարւէր, որ նրա հայասպան քաղաքականութիւնը հետեանք էր իր կենսական շահերի, իր սէլալական քաղաքականութեան, որ այդ հանգամանքը տաննեակ տարիներ առաջ կարելի էր արդէն և պէտք էր նախատեսել...

Ռուսաստանը, անգամ բոնապետական Ռուսաստանը, եթէ չը լինէր կոյր ու կարճամիտ յանձին իր խղճուկ դիւանագէտների, եթէ հասկանար իր կենսական, պատմական շահերը, պէտք է հակառակ ընթացքը բռնէր, պէտք է պաշտպանէր աւերածից ու սրածուլիւնից մի խելացի, քաղաքակրթուող ժողովուրդ, որ միշտ տածել է դէպի «քրիստոնէայ մեծ երկիրը» ջերմ, անխառն համակրանք միայն և որը ամբողջ առաջաւոր Ասիայում պիտի լինի միշտ ուստական լեզուի, ուստաց ապրանքների և ազդեցութեան մի գերազանց տարածող:

Բայց դժնդակ Լօրանօվըշինան չըմբռնեց այդ և թողեց, որ դարձնեն Տաճկահայաստանը ծայրէ ծայրէ մի գերեզմանոց: Նա եղբայրական ձեռք մեկնեց Կարմիր Գաղսին և անողորմ արշա-

ւանք կազմակերպեց տաճկահայ շարժման, կօմիտէներէի, գաղթականներէի և ամբողջ ժողովրդի դէմ:

Որքան արիւն ու արցունք է ամփոփւած այդ կարճատե պատմութեան էջերում... Եւ բախտի մի կծու հեղնութեամբ, դրսի աշխարհում, քաղաքակիրթ երկրներէ մէջ՝ Ռուսաստանն էր համարուած հայ կօմիտէներէի կազմակերպող, նրանց դրամ ու զէնք մատակարարող, նրանց քաջալերող ու դէպի գործ մղող... դէպի ապստամբութիւն՝ դարաւոր, երդեալ հակառակորդի—սուլթանականութեան դէմ...

Չազիր, շարագործ թիւրիմացութիւն: Բաւական չէին մեր անլուր աղէտները—մենք զեռ ատուած էինք Եւրօպայում, որոշ շրջաններում: Իբրև «վարձկաններ, իբրև լրտեսներ»... Իրանց իրազեկ համարող յայտնի հրապարակախօսներ՝ բոլոր գոյներէ ու կուսակցութիւններէ՝ Վիլհելմ Լիբկնիխտից մինչև դօքտօր Բեյք, ծանուցանում էին ի լուր աշխարհի, թէ թիւրքաց Հայաստանում գործող հայ յեղափոխական կօմիտէները կաշառուած են Ռուսաստանից, թէ հետևապէս հայ շարժումները արժանի չեն առանձին յարգանքի և ուշադրութեան...

Այն, այն ժամանակ, երբ հայ հայդուկը, հայ ինտելիգենտ քարոզիչը հազարաւոր խոչընդոտներէ դէմ մաքառելով, մի կերպ, գողունի անցնում էր սահմանը և նետուած դժոխքի բոցերէ մէջ, այն ժամանակ, երբ «Դաշնակցական» կորիճները խիզախ անձնութեանցով, մտնը իրենց աչքերն առած, զրոհ էին տալիս դէպի օսմանեան կայսրութեան ամուր պատարը, Բանկ Օտտօմանը, մի մասը կոտորում, միւս մասը համարձակ պահանջներ դնում Եւրօպայի ճիւղերին,—նոյն այդ ժամանակ Եւրօպայում յեղափոխական սօցիալ-դեմօկրատներն անգամ յօդածներ էին գրում ուսական «Ինտրիգներէ» մասին Տաճկաստանում և իրենց արհամարհանքն էին շարտում հայ «վարձկան» յեղափոխականներէ երեսին: Երբէք առաջադէմ, լուսաւոր տարրերի գիտակցութիւնը այն աստիճան չէր խաւարել, երբէք այնքան անողորմ պրօֆանացիայի չէր ենթարկել մի գաղափարական, ազատարար շարժում:

Նոյն ինսինուացիաները Ռուսաստանի իբր—աջակցող դերի մասին հայ կօմիտէներէի նկատմամբ՝ կրկնեցին գերմանացի հնագէտ Յելրի և ուրիշներէ կողմից և ի վերջոյ անցան Երիտասարդ թիւրքիայի օրգաններէ մէջ (մասնաւորապէս Ահմէդ Բիզալի

«Մէզվէրէթի»)՝ որոնք բաւական շահագործեցին նրանց՝ հայկական շարժման դէմ:

Վարդէմար Բեյք մի քանի անգամ կողկառով անցել է Տաճկաստան, հայ վիլայէթներում հնազիտութեամբ պարապելու: Եւ իբրև արդէն «իրազեկ» մարդ, նա Գերմանիա վերադառնալուց յետոյ, համարձակութիւն առաւ իր վրայ՝ ապացուցանելու համաշխարհային մեծ օրգանում, «Frankfurter Zeitung»-ի էջերում, որ հայկական հրոսակախմբերի կազմակերպումը, նրանց անցքը կողկասից թիւրքիա՝ որ այդ բոլորը ուս կառավարութիւնը ոչ միայն տանում, հանդուրժում է, այլ և ուղղակի նպաստւորում:

Դօքտօր Բեյքի ամենախոշոր արգումենտն այն է, որ սահմանի ուսական պահակները գտնուած են իրարից ընդամենը մէկ վերստ հեռաւորութեան վրայ, որ բացի դրանից, զինւորները զիշերով շրջում են, կօնտրարանդը արգելելու համար, որ հետևապէս անհնարին է հայ հրոսակներին՝ անցնել սահմանը առանց սուսական իշխանութիւններէի գիտութեան:

Պատուարժան հնագէտը խիստ մոլորում է, դուրս գալով իր սեփական մասնագիտութիւնից: Նա փոքր ինչ բարձր է գնահատում ուս սահմանապահ զինւորներէի աչալըթութիւնը և փոքր ինչ ցած է գնահատում հայ ֆէդայու հարագիտութիւնը:

Դօքտօր Բեյք համում է այնտեղ, որ նոյնիսկ պնդում է, թէ «Դաշնակցական» խմբերի հրացաններն անգամ տալիս է ինքը ուս կառավարութիւնը...

Բայց հայ յեղափոխականը երբէք չի մոռնալ մասնաւորապէս Լիբկնիխտի ու նրա վարած Vorwärts-ի սիստեմատիկ, կոյր ու տղէտ արշաւանքը հայկական շարժման դէմ, որ ի վերջոյ զայրոյթ յարուցեց նոյնիսկ Սօցիալ-դէմօկրատիայի շարքերում: ¹⁾ «Դաշնակցականները» չեն մոռնալ մանաւանդ Vorwärts-ի մի թունաւոր, անօրինակ յօդածը «Der Rubel am Reise» վերնադրով (Ռուբլին ուղևորութեան մէջ), որը հրատարակեց նոյն այն ժամանակ, երբ «Դաշնակցութեան» յայտնի խումբը Բանկ Օտտօմանի դրամա-

¹⁾ Երբ Բօզա Լիբստեմբուրգ Կրէզկէնի «Sächsische Arbeiter—Zeitung»-ի մէջ ուրիշներէ հետ իրաւամբ յարձակուած էր Vorwärts-ի խմբագրապետի դէմ, Արևելեան հարցի առթիւ նրա անփոփոխ ու շարժն տեսակէտի համար—ձերուսի Լիբկնիխտ պատասխանում էր, թէ ինքը Մարքսի հետ զեռ 60-ական թւերից են ուսումնասիրել ամեն բան և թէ իր ասածները անպայման ճշմարտութիւն են:

յից յետոյ, Ֆրանսիական ժիրօնդնաւով փոխադրուեմ էր Եւրօպա...

Այդպէս անփառուենակ, այդպէս արհամարհուած էր թուում հայկական շարժումը դեռ 1896-ին, եւրօպացիներէն ոմանց աչքում:

Եւրօպական մեր պրօպագանդի կատարած անժխտելի ծառայութիւններէն մէկն այն եղաւ, որ փարատեցինք այդ տխուր կասկածները և վերականգնեցինք հասարակական կարծիքի առաջ հայ ռազմիկի, հայկական շարժման հմայքն ու պատիւը:

* * *

Ռուսաստանը, ասացինք, վճռական ֆակտօր է թիւրքահայոց հարցում: Հապա ինչպէս է, կը հարցնէ ընթերցողը, որ հայ կոմիտէները չէին վհատուում, չէին մատնուում յուսատեսութեան, լաւ գիտակցելով Ռուսաստանի այդ ճնշող ոյժը, այդ մշտնջենական, ամեն ճիգ խորտակող դիմադրութիւնը...

Պատիւ նրանց, որ չէին վհատում: Վհատելու տեղիք կար, անշուշտ: Բայց կուրիշինդը դարձեալ յուզում էր, ելեքտրականացնում գաղափարի անխոնջ զինւորներին: Արդիւ Համիդի ջանքերով ստեղծուած տարտարոսը անդրդեցի ճակատագրականութեամբ դուրս էր կոչում հայ ժողովրդի խորունկ ծաղերից Վազգէններին ու Սերօքներին, որոնք մի սուրբ մոլեգնութեան մէջ արհամարհում էին դիւանագիտական ամարդի խաղերը և գէնքը ձեռին ապաւինում էին խրոխտ լեռներին...

Մի պաշտելի դիւցազներգութիւն, որ իր անօրինակ խոչընդոտներով ու արնակրքներով թերևս եղակի է 19-րդ դարի ազատագրական շարժումների պատմութեան մէջ: Անօրինակ, և որքան տխուր, որքան եղբրական... Արտաքին աշխարհը ոչինչ չը գիտէր ազատագրական այդ հոյակապ թախչների մասին. ամեն ինչ խեղդուում էր այն խուլ, հեռուոր անկիւններում՝ թէ տանջանքի հեծեծանքները, թէ հերոսութեան ճիգերը... Հարկաւոր էր, որ բախտի բերմամբ մի դօքտօր Բելք գար՝ հայկական բարձրալանդակի վրայ հնազրտական ուսումնասիրութիւններ կատարելու, որպէսզի Սերօք-փաշայի աննման քաջագործութիւնների ձայնը հասնէր Եւրօպային, արձագանք տար մեծ մամուլի էջերում: Հարկաւոր էր, որ նոյնպէս դիպածով մի գերմանացի պատտօր Ֆիշեր երևան գար 1897-ի ամառը թիւրք-պարսկական սահմաններում, որպէսզի Սանասօրի արշաւանքը փառաբանէր գերմանական հանդէսի մէջ, որպէս Մօլտկէան կանոնաւոր ռազմափորձ:

Իսկ Բանկ Օտտօմանի ղէպքը, որին ականատես եղաւ քաղաքակիրթ աշխարհը, հուշակեց անգլիական մի օրգանում, որպէս ամենամեծ դաւադրութիւնը նորագոյն ժամանակներում: Պաշտօնակալի զօհումներները—Կապոյտ ու Դեզին գրքեր—գրեթէ միշտ պապանձել են Հայաստանում կատարւած ապստամբական կռիւների մասին: Ուրեմի է տեսնուած այդքան յամառ և յուսահատ դիմադրութիւն, այդքան ծանր, աղէտալի պայմաններում: Ո՞ր ժողովուրդն է գործել այդքան սարսափեցուցիչ էտնօգրաֆիական և քաղաքական-դիւանագիտական մթնոլորտում...

Անսահման անձնւիրութիւն և ճշմարիտ-հերոսական ճակատամարտներ. նպատակը...

Հայ ռազմիկը անպայման լաւատես չէր, ոչ էլ յուստես: Նա ֆանատիկոս և ամբարիշտ «ծայրայեղ» էլ չէր, արեան Աստու երկրպագու, կուելու արեւստի սիրահար, խառնակ, տարերային հոսանքով տարւած:

Հ. Յ. Դաշնակցութիւնը, որ համախմբում ու դեկալարում էր այդ ցիրուցան պայթուցիկ տարրերը, ունէր նորստակի պարզ ու յստակ դիտակցութիւն: Նա երազների, ուտօպիաների ետեից չէր ընկած: Կատաղի և ծայրայեղօրէն անձնուրաց իր կուլի մէջ՝ նա ցոյց էր տալիս և քաղաքական պատշաճ հասունութիւն, զգաստ ունէր, չափաւորութիւն իր պահանջների մէջ: Որքան դիւրութեամբ հայ յեղափոխականը գիտէր վարժեցնել հրացան ու ռումբ՝ նոյնքան դիւրութեամբ նա գիտէր բանակցել զիպլօմատների հետ:

Մի էպիզօդ մեր շարժումներից, մի փոքրիկ նմուշ թող վկայէ մեզ, թէ որքան հիմնաւոր են մեր թշնամիների 15 տարուց ի վեր խնամքով տարածած մեղադրանքները՝ թէ հայ յեղափոխական կազմակերպութիւնը ուտօպիստ է, թէ նա անհնարին բաներ է պահանջում, թէ նա գառանցում է ինչ որ անկախ հայկական թագաւորութեան մասին, թէ նա կուում է ինչ որ խելագար ու տղայամիտ ֆանատիկոսութեամբ:

1895 թ. սեպտեմբերի 30-ն է, «Բար-Աղի»-ի մաստային ցոյցը: Կ. Պօլսի հայերը խաղաղ, անզէն ցոյց են կազմակերպում, որ և անմիջապէս խեղդուում է հայերի արեան մէջ: Ահա քաղածօրէն Հնչակեան տեղական կոմիտէի այդ առթիւ դեսպաններին ուղղած աղերսագիրը.

Կ. Պօլսի հայ ազգաբնակիւթիւնը և մայրաքաղաքում գտնուող գաւառա-

ցի հայերը միասնաբար համաձայնութեամբ կազմալերպել են ցոյց, հանդիսաւոր կերպով բողոքելու համար մեր երկրի արդի կայսրութեան դէմ և ներկայացնելու բարձր Դրան հայ ժողովրդի պահանջները:

Մենք բողոքում ենք այն սխաւեմատիկ հալածանքները դէմ, որ կրում է մեր ժողովուրդը մանաւանդ վերջին տարիներում, հալածանք՝ որ Գուլու գարձրել է կառավարչական սկզբունքը և որի նպատակն է ոչնչացնել հայերին իրանց սեփական երկրի մէջ:

Մենք բողոքում ենք Սասունի կոտորածի դէմ, ուր մեր հազարաւոր եղբայրներն ու բոյրերը իրենց կեանքի, գոյքի ու պատիւ ապահովութիւնը պահանջելու համար հրատարակել են իրր պատամբներ և ենթարկել են սրածուրբեան:

Մենք բողոքում ենք այն մշտնջենաւոր զինւած յարձակումները դէմ, որ տեղի են ունենում իւրաքանչիւր օր քրդերի և թուրք կստնաւոր զօրքերի կողմից և որոնց դէմ մեզ ոչ մի երաշխաւորութիւն չըստին մինչև օրս, չը նաւած այն բոյր խոստումներին, որ արւել են մեզ Սասունի զէպքերից ի վեր:

Մենք պահանջում ենք նորին Կայսերական Մեծութիւն Սուլթանից և Եւրօպայից այնպիսի օրինական կարգեր, որոնք երաշխաւորէին մեր կեանքի, գոյքի ու պատիւ ապահովութիւնը:

Մենք պահանջում ենք խօսքի, մամուլի, գումարումները ազատութիւն, պահանջում ենք բոլորի հաստատութիւն օրէնքի առաջ:

Մենք պահանջում ենք քչացնել վարչական բաժանումները հայկական վեց վիլայէթներում՝ Էրզրումի, Բիթլիսի, Վանի, Սվազի Մարբերգի և Գիւարբիկի: Այդ քչացումը պիտի կատարւի ցեղազրական միապազազ բաժանումներով յիշեալ վիլայէթները մէջ:

Մենք պահանջում ենք այդ վեց վիլայէթները համար մի բնօրհանուր կառավարիչ, որը պէտք է լինի Եւրօպացի և նշանակւի պետութիւնները կողմից, սուլթանի համաձայնութեամբ: Այդ պաշտօնեան պիտի կառավարէ երկիրը, ն. Կ. Մ. Սուլթանի անունից, տեղական մի ժողովի աջակցութեամբ, առանց խորութեան ցեղի, կրօնի և հասարակական զիրքի:

Մենք պահանջում ենք ռէֆորմներ ստիկանութեան ու ժանդարմերիայի կազմակերպման մէջ: Պահանջում ենք անտեսական ռէֆորմներ, հարկերի պակասեցում, կոս ու բէգեարի վերացում և այլն:

Մենք պահանջում ենք, որ քրդերի պարբերական քոչը արգելւի, համիդիէ հեծելազունը արձակւի:

Մենք պահանջում ենք, որ մեր ձեակերպած այս ցանկութիւնները իրաւորութեամբ անհրաժեշտ է նոյնքան հայերի ապահովութեան ու բարօրութեան համար, որքան և մեր երկրում բնակւող միւս ժողովուրդների ու ամբողջ Օսմանեան կայսրութեան համար:

Անււատիկ մի այլ էպիլոգ:

1896 թ. օգոստոսի 14-ն է:

Դաշնակցականները գրաւել են Բանկ Օստօմանը, Օսմանեան ֆինանսների տյղ միջնարբերդը: Հսկայական հարստութիւնները հարիւրաւոր պաշտօնեաների հետ յայտնուում են վայրկեանա-

լար «Դաշնակցութեան» ձեռքում և գոցւած բանկի պատուհաններից, որպէս մի անառիկ ամբողջից, տեղում է ուսմբի տարապը շրջապատող զօրքի ու խուժանի վրայ: Անօրինակ, շանթող մի հարւած: Միաժամանակ ուսմբային ճակատամարտ—Սամաթիայում: Սարսափ ու իրարանցում թէ Ելզըզի մէջ և թէ գիււանագիտական շրջաններում: Դիպլոմատները Ելզըզի կողմից շտապով մտնում են հայ յեղափոխականների հետ բանակցութեան մէջ:

Ահա Դաշնակցութեան Պօլսի Կենտրօնական Կօմիտէի ազգարարութիւնը, որ ապագրւած էր հայերէն, Ֆրանսերէն ու թիւրքերէն և որ ժամանակին հրատարակւեց Եւրօպական բոլոր խոշոր օրգանների մէջ:

Մենք անգուլ բողոքեցինք Եւրօպային թիւրք բնապետութեան դէմ, բայց մեր բողոքները, որ օրինական էին, սխաւեմաբար մերժւեցան:

Սուլթան-Համիդ արխանսեղ վրէժխնդրութեամբ պատասխանեց մեզ: Եւրօպան տեսաւ այդ ահուշի ոճիրը և լսեց:

Ոչ միայն դահճի ձեռքը չըբռնեց, այլ և մեզ լիտիարար համակերպութեան հարկադրեց:

Մեզ նախատեցին՝ մեր մարդկային իրաւունքը զրանալով մեզ, և մեր ազգային պատիւը ցմահ խոցելին, մեր արեան մէջ մեր բողոքի ձայնը խեղդել շանալով:

Մեր արխանով սրբազորւած մեր պահանջներուն կուգայ հիմա միանալու և սրբազան վրէժի սեւեռան դադափարը, որ ուրւականի պէս արձանացած է մեր աչքերուն առջև:

«Իրաւունքը զօրաւորին է,» ըսաւ մեզի Եւրօպան՝ իր մահառիթ անտարբերութեամբ, և մենք տկարներս մարդկային իրաւունքներէ զրկւածներս, հարկազրւած ենք գիտութեան զիմելու՝ սրոնելով ամեն միջոց, փշրելու համար սուլթանի գարշիլ լուծը, ալ չենք կրնար հանդուրժել:

Դիւանագիտական խաղերու ժամանակն ալ անցած է:

Մեր հարիւր-հազար նահատակներուն թափած արիւնը մեզի իրաւունք կուտայ ազատութիւն պահանջելու:

Մեր թշնամիներուն տարածած բոյր նենգամիտ գրոյցներուն հակառակ մենք ինզրած ենք և հիմա ալ կը ինզրենք միմիայն անհրաժեշտը, այսինքն՝

1. Նշանակել ծագումով և ազգայնութեամբ Եւրօպացի բարձրագոյն կօմիսար մը՝ Հայաստանի համար, ընտրւած վեց մեծ տէրութիւններու կողմէն:
2. Վալիները, միւթէսըրֆները և գալիմէկամները պիտի նշանակէ բարձր կօմիսարը և Սուլթանը պիտի վաւերացնէ:
3. Եւրօպացի սպաներու հրամանատարութեան ներքե պիտի կազմակերպուի տեղական ազգերէն միլիցիա, ժանդարմա և ստիկանութիւն:
4. Դատական բարենորոգումներ՝ Եւրօպական սխաւեմով:
5. Կրօնի, կրթութեան և մամուլի կատարեալ ազատութիւն:
6. Երկրի հատոյթներու երէք քառորդ մասը պիտի յատկացուի տեղական պէտքերուն:

- 7. Յեանեալ հարկերը չընջել:
- 8. Հինգ տարի հարկէ ազատել, և հետեալ հինգ տարիներու պետութեանը վճարելիք հարկը գործածել վերջին խտուրթեանց պատճառով փոխարինելու:
- 9. Հայերէն գրաւած անշարժ կայքերը անմիջապէս վերադարձնել տէրերուն:
- 10. Բոլոր հայ գաղթականներուն ազատ վերադարձ:
- 11. Ընդհանուր ներում հայ քաղաքական յանցաւորներուն:
- 12. Եւրօպական տէրութիւններու ներկայացուցիչներէն առժամայ յանձնաժողով մը կազմել, որ Հայաստանի գլխաւոր քաղաքներէն մէկուն մէջ հաստատելով՝ պիտի հսկէ վերոյիշեալ յօդաւանդներու գործադրութեան:

Ահա և հայ յեղափոխականները իրենց պահանջներով: Որտե՞ղ է մնում հայկական թագաւորութեան առասպելը, որ հայատեաց Սուլթորինները և նրանց կապկող եւրօպական ծախու մամուլը տարիներէից ի վեր կրկնում են ու կրկնում:

Այդքան չափաւոր պահանջների գոնէ կէսը, կէսի կէսը իրազորւելէր հայկական դժոխքում: Բայց նրանք միշտ հնչեցին, իրրև անապատում բարդառող ձայներ:

Եւ սակայն, այժմ, հայ մարտիկը երբէք չըվհատեց: Հ. Յ. Գալստեանը, պատմական սոսկալի հարւածներէից յետոյ ևս յետ չընահանջեց, այլ առաջ տարաւ իր ծանր խաչը առնական անձնուրացութեամբ ու վերջնական յաղթանակի գիտակցութեամբ: Նա չէր ընկճում, նա չէր յուսահատուում նոյն իսկ զիւստագիտութեան վերաբերմամբ: «Քաղաքական պայմանները կարող են փոփոխուել» — մտածում էր նա:

«Ռուսաստանը դէմ է մեր հարցի գոհացուցիչ լուծման, և նա գլխաւոր, գերակշռող ֆակտորն է. դէմ է և Գերմանիան, սուլթանի այժմեան հզօր բարեկամը, քանի դեռ նոր է սկսում ծաւալել գաղութային իր քաղաքականութիւնը Տաճկաստանում, քանի դեռ պէտք է զգուշ բծնելու, սիրաշահելու օսմանեան վեհապետին: Բայց չէ որ կան եւրօպական արէօպագի մէջ ուրիշ ֆակտորներ, նոյնպէս շահագրգռած տիրող կացութեամբ: Չէ որ կրէտէն, ապստամբ կրէտէն իր ազատութիւնն ստացաւ, հակառակ Գերմանիայի ու Աւստրիայի ձեռնպահութեան և նոյնիսկ գիմարութեան: Չէ, մեր անբախտ Մայիոսն ծրագրին էլ, որ հետեւանք է Սասնոյ առաջին ցնցման ու աւերման, առաջադրւած էր սուլթանին միմիայն երեք պետութիւնների կողմից, որոնք հետեւապէս, իրաւունք ունէին և նրա գործադրութեան վրայ հսկելու...»

Բոլոր վեց պետութիւնների համոզմանութիւնը անհրաժեշտ չէ՞ հայկական խնդրին ընթացք տալու համար, Հայաստանում տանելի պայմաններ ստեղծելու համար»:

Այդպէս էր մտածում հայ կուռղ մարմինը և նրա պրօպագանդիստ — ներկայացուցիչները Եւրօպայի մէջ վերջին տարիներում մէկ էական ձգտումն ունէին՝ միացնել երեք արևմտեան ռաւակավար պետութիւններին տաճկահայկական դատի շուրջը: Ապագան ցոյց կը տայ, թէ որքո՞ն այդ աշխատանքը նպատակայարմար ու արգասաւոր է: Չը մտածանք անխուսափելի բեզդերը: Այդ աշխատանքի ներկայացուցիչները յոյս չունեն, թէ յիշեալ երեք պետութիւնների — Անգլիայի, Ֆրանսիայի և Իտալիայի — վրայ յենւելով՝ կարելի է հարցի շատ թէ քիչ արմատական լուծումն ստանալ: Այդ վերջինը անկարելի է յայտնուում առանց Ռուսաստանի համաձայնութեան: Սակայն, դժոխային կացութեան հանդէպ հայաստանցին շատ էլ պահանջկոտ չէ արմատական րեֆորմների վերաբերմամբ: Բերլինի դաշնագիրը և Մայիոսեան ծրագիրը ինքն ըստ ինքեան պալլիտաիփներ են, բայց նրանց շիտակ իրազորւածումը մեծ, կարևոր վաստակ կը լինէր կոտորածի մշտնջենաւոր կոշմարի տակ զեզերող ժողովրդի համար...

68-98


III

ՆՈՐ ՅՈՅՍԵՐ

Մայիսեան ծրագիրը. — Մնում չաւ. — «Գրօշակ»-ի minimum — Լախագիծը և Գեղիստեան. — Փրակն. — Բիւրսակեան ընդհարումը. — Հասարակական կարծիքը Փրակնիստում. — Փարսեալ յուսախարտրիւն. — Ռուսաստանի մեղքը. — Մասունի ապստամբութիւնը.

Համեստ բան էր «Մայիոսեան ծրագիրը»: Ռուսաստանը, Ֆրանսիան և Անգլիան, Մասունի առաջին մեծ կատաստրօֆից յետոյ, 1895-ին, փոխադարձ համաձայնութեան գալով, պահանջում էին Սուլթանից՝

- 1) Նւազեցնել «Հայկական վիլայէթների» թիւը:
- Ռէֆորմները, ինչպէս յայտնի է, պահանջւած են վեց հետեւեալ վիլայէթների համար. Էզրումի, Երիթրիայի, Վանի, Սըլվազի,



Սարքերդի, Դիարքեքի: Պահանջուով էր 1895-ի մայիսի եւրօպական միջամտութեամբ՝ վիւայէթական նոր բաժանում սահմանել այնպէս՝ որ այլազան ազգաբնակութիւնները համախըմբենցեղազրական (էտնօգրաֆիական) միասնադադ խմբութեանը:

2) Նահանգապետների կամ վալիների ընտրութեան մասին Բ. Դուռը պարտաւոր է միշտ տեղեկացնել պետութիւններին: Վերջիններս հարկաւոր ազգաբնակութիւնները պիտի անեն Բ. Դրան, եթէ ընտրեալ վալիները ներկայացնեն այս կամ այն անպատեհութիւնը:

3) Թոյլ տալ բոլոր հայ գաղթականներին վերադառնալ հայրենիք և վերագաձնել նրանց յափշտակեալ գոյքերը:

4) Ընդհանուր ներուժն հայ քաղաքական յանցաւորներին: Եւ այլն և այլն: Այդ գլխաւոր կէտերից զատ՝ կան շատ ուրիշ երկրորդական կէտեր ևս, նոյնպէս կարևոր ու կենսական: Բայց ահա հարց. ո՞վ է գործադրում և ո՞վ է հսկում այդ բէֆօրմների գործադրութեան վրայ...

«Մի բարձր կօմիսար, ընտրեալ Ն. Մ. Սուլթանի կողմից» — ահա մայիսեան ծրագրի պատասխանը: Այդ բարձր կօմիսարը, — ի հարկէ, մահմեդական և համիդական — պիտի հսկէ, որ ունեւորներն իրագործեն արագութեամբ ու ճշտութեամբ 1):

Մի ուրիշ կէտ՝ ունեւորների գործադրութեան վերաբերեալ՝ այսպէս է ձևակերպեալ ծրագրի մէջ.

«Բ. Դուռը կը հաստատէ հսկողութեան մի մնայուն Յանձնաժողով, որ պիտի հսկէ ունեւորների ճշգրիտ կիրառութեան վրայ: Այդ Յանձնաժողովին պիտի նախագահէ կայսրութեան մի բարձր պաշտօնեայ, քաղաքացիական կամ զինուորական: Նա բաղկացած կը լինի վեց անդամից, ընտրեալ կայսրութեան բարձր քաղաքացիական պաշտօնեաներից և հմուտ՝ վարչական, իրաւաբանական ու ֆինանսական գործերի մէջ: Նրանցից երեքը՝ մահմեդական, միւս երեքը՝ քրիստոնէայ»...

Ահա այդ շարաքատիկ ծրագիրը, իր էական գծերով: Նա հրապարակ եկաւ, ինչպէս տեսանք, Սասունի առաջին կոտորածից:

1) Այդ էական կէտին, քիչ յետոյ, Անգլիայի առաջարկութեամբ կցեց մի յաւելում.
«Բարձր կօմիսարը պիտի ընտրուի Սուլթանի կողմից, բայց այդ ընտրութիւնը պիտի լինի պետութիւնների համաձայնութեամբ»:

ձից յետոյ, բայց հայկական մեծ կոտորածներից առաջ: Եթէ նա ժամանակին իրագործէր, վերջիններք տեղի չէին ունենայ...

Երկիրը այնուհետև զարձաւ արեան ու արհաւիրքների գաշտ... Մայիսեան ծրագիրը 90-ական թւականների վերջին՝ թուով էր արդէն հնացած, խղճուկ, անբաւարար: Այդ հանգամանքն էր, որ դրդեց «Դրօշակի» խմբագրութեանը՝ նոր minimum — ծրագիր մշակելու և առաջադրելու պետութիւններին: Վերջինը կազմեց 1901 թւին, Մայիսեան ծրագրի հիման վրայ, կարևոր փոփոխութիւններով և Pro Armenia-ի խմբագրապետի միջոցով ներկայացեց Ֆրանսիայի արտաքին գործերի մինիստրին:

«Դրօշակի» խմբագրութեան առաջին մտահոգութիւնն էր, քնականաբար՝ հիմնական փոփոխութիւն մտցնել ունեւորների համար սահմանելիք Գործադիր իշխանութեան կազմի մէջ:

1) Նշանակել (հայկական վիւայէթների վրոյ) մի ընդհանուր կառավարիչ, եւրօպական որևէ ազգութեան պատկանող և հինգ տարեայ ժամանակամիջոցով: Նա օժտեալ կը լինի օրէնսդիր իշխանութեան բոլոր իրաւունքներով: Նա կը հսկէ կարգի և հանրային ապահովութեան վրայ, կաննէ հարկերը, կը նշանակէ իր պատասխանատուութեամբ վարչական ագենտներին, կընտրէ դատաւորներին և գործադրել կը տայ նրանց վճիռները. առանձին հոգատարութեամբ կը նպաստէ խաղաղ աշխատանքի զարգացման և արդիւնաբերութեան ու երկրագործութեան կատարելագործման: Նա կարող է հեռացել միայն պետութիւնների համաձայնութեամբ: Նա իրեն նիստ կուսենայ՝ հայկական նահանգների կարևոր կենտրոններից մէկում:

2) Ընդհանուր կառավարչի մօտ կը սահմանուի մի ընդհանուր խորհուրդ — ժողով, ընտրեալ հետեալ եղանակով.

Իւրաքանչիւր կաղա հուղարդէ երկու պատգամաւոր — մէկ մուսուլման, մէկ քրիստոնէայ — սանջակի մէջ, ուր կընտրեն երկու խորհրդականներ, մէկ մուսուլման, մէկ քրիստոնէայ: Այդ ընդհանուր Խորհուրդ-ժողովը կը գումարել տարին մի անգամ. նրա պաշտօնը կը լինի՝ ուսումնասիրել հանրօգուտ աշխատանքի վերաբերեալ բոլոր խնդիրները, ինչպէս, օրինակ, հողորդակցութեան ուղիների զարգացում, վարկային գրամարկդների հիմնարկութիւն և այն բոլորը, ինչ որ կարող է նպաստել ժողովրդական լուսաւորութեան, երկրագործութեան, աւետարին ու արդիւնաբերութեան:

Այդ Խորհուրդ-ժողովը կը բաշխէ հարկերը և կը հսկէ երև-
մաի վարչութեան վրայ: Նա կը կազմէ իր միջից մի մնայուն
խորհուրդ-մարմին, որը կօզնէ ընդհանուր կառավարչին նիստե-
րից յետոյ, սովորական ժամանակ:

Վեց վիլայէթների բնջէն պէտք է սահմանէ Խորհուրդը՝
համաձայնութեամբ ընդհանուր կառավարչի հետ, հինգ տարի ժա-
մանակով, եկամուտների միջին թւի համեմատ: Եկամուտները
նախ կը գործադրուին տեղական կարիքները գոհացնելու համար
և աւելորդը կուղարկուի կենտրոնական կառավարութեան:

3) Պէտք է նշանակուի պետութիւնների կողմից մի մնայուն
Եւրօպական յանձնաժողով՝ բէֆօրմները սահմանելու և նրանց
գործադրութեան վրայ հսկելու համար:

Ահա «Դաշնակցական» մինիստր-ժրագրի էական կէտերը,
որ 1901 թւի աշնան Pro Armenia»-ի խմբագրապետ Պիէռ Կիա-
որ ներկայացրեց մինիստր Դելկասսէին: Եւ նա գտաւ շատ սի-
րալիք ընդունելութիւն: Հետեւեալ օրը Պարիզեան մամուլը մի
առանձին ուշադրութեամբ արձանագրեց իրողութիւնը: Առաջին
անգամն էր, որ գիպլօմատիան ընդունում էր մի յեղափոխական
կուսակցութեան պատիրակութիւն և սկանջ էր դնում նրա ի-
րազեկ թիւադրութիւններին: Հետագիրը իսկոյն լուր տարաւ դէպի
ամեն կողմ, թէ «Դելկասսէն ընդունել է Դրօշակեան ծրագիրը»:

Եւ դարձեալ ուրախութիւն, դարձեալ յոյսի ճառագայթներ
հայկական շրջաններում: Ինչո՞ւ թագցնել—մենք էլ ուրախ էինք:
Զւարթ օրեր էին, հազաւգիւտ, յուսատու: Ֆրանսիան բռնել էր
Տաճկաստանի հետ և սպանում էր պատերազմ: Յարաբերութիւն-
ները հասել էին բորբոքման գագաթնակէտին և Ֆրանսիական
նաւատորմը գնացել էր Միտիլէն: Պարլամենտի մէջ՝ յուզմունք
ու ցասում: Հասարակական կարծիքը պահանջում էր կառավա-
րութիւնից ամենախիստ ընթացք: Բայց նա պահանջում էր՝ չը
սահմանափակել Տուրքիաների ու Լօրանդօնների շահերը հողալով:
Նա հրահանգում էր պատժել սուլթանական ամբարտաւանու-
թիւնը՝ հայկական խնորի լուծումը և պահանջիլով: Հայաստանը բո-
լորի շրթունքների վրայ էր. հարցապնդում՝ հարցապնդման վրայ:
Ելզըզը գողում էր մերձեցող փոթորկից և հայոց սրտերը բարձ-
րանում էին, բարախում:

Այո, զւարթ ու կաղզուրիչ վարկեաններ էին. և դարձեալ,
մենք հայերս ոչինչ չը շահեցինք... Հայատեաց բռնակալութիւնը

այստեղ ևս միջամտեց, երկիւղ կրելով, մի գուցէ իրօք Ֆրան-
սիան խիզախէր հանդէս բերել 61-րդ յօդաւոր և Մալիսեան ծը-
րագիրը... Պետերբուրգի մահաշունչ կարիւնետից հնչեց հրամանը
և ցուցարար նաւատորմը հեռացաւ Միտիլէնից: Ֆրանսիական
բանկիրների յատուկ պահանջները իրագործեալ էին արդէն, սուլ-
թանը շտապել էր զիջել Դելկասսէին, հայկական հարցի ուրա-
կանից վախեցած...

Ո՞վ գիտէ, գուցէ հէնց այդ զիջումը փութացնելու համար
էր, որ մինիստր Դելկասսէն այնպէս սիրով ու դէմոնստրատիվ
ընդունում էր այդ ընդհարման տագնապի միջոցին՝ և «Դրօշա-
կեան» ծրագիրը և «Pro Armenia»-ի խմբագրին և Պարիզի հայ
քահանային և պ. Մինաս Զերալին...

Այսպէս թէ այնպէս, երկու հզօր դաշնակիցները միաբանե-
ցին, Ֆրանսիան ի դէմս իր կառավարութեան մի անգամ ևս
դրժեց իր աւանդական հմայքը. հակառակ պարլամենտի ստի-
պողական պահանջներին՝ անտես առաւ Հայաստանի արիւնլայ
ժողովրդին... Եւ իզուր, մի օր, այդ ողբալի միջադէպից յետոյ,
պարլամենտի խոր լուսթեան մէջ, մինիստրական խորխտ ու
անապարձ զեկուցման ժամանակ, ի զուր հայասէր-պատգամաւոր-
ների շարքերից արձակոււմ էր սրտամոլորձք ու ցնցող բացական-
չութիւնը. Et l'Arménie? (Իսկ Հայաստանը)...

* * *

Վրայ հասաւ Սասունի ապստամբութիւնը: Դիւցազնական
լեռնավայրը մի անգամ ևս օտոզեց իր հպարտ զաւակների արիւ-
նով: 15 հազար զօրք, լեռնային թնդանօթներով և 40 հազարի
չափ քրդական աշիրէներ պաշարեցին ամեն կողմից: Սկսողը թըշ-
նամին էր. նա չէր մարսում Սասունի կէս-անկախ դոյութիւնը.
Նա չէր տանում մանաւանդ ինքնապաշտպան Ֆէդայիներին, որոնք
բանակ էին դրել անառիկ բարձունքներում, «Դաշնակցութեան»
հրամանատարութեան տակ: Քանի՞ անգամ տաճիկը փորձ էր ա-
րել՝ կործանելու ըմբոստների այդ բոյնը, քանի՞ անգամ Սերոբի
կուիւններից ի վեր նա ուզեցել էր զօրանոցներ կառուցանել Սա-
սունում և նրանց միջոցով սանձահարել ապստամբ լեռնականնե-
րին—բայց և ամեն անգամ հանդիպել էր ինքնապաշտպան բա-
նակի միահամուռ զիմադրութեան...

Այս անգամ, 1903-ին, աւաղ, վճռական շտուրմն էր, հայկական
միջնաբերդի լինել-չը լինելու հարցն էր դրւած: Եւ սկսեց մենա-

մարտը, անեղ ու անհաւասար: Մարտական սարսուռ անցաւ ամբողջ հայութեան ներկերով: Առաջին անգամն էր, որ Մեծ-Հայաստանում մղուած էր ազատագրական այդպիսի մեծ ճակատամարտ: Հայ սազմիկները առիւծ էին կտրել, բայց ինչ անէին հսկայական բանակի դէմ: Մի ամիս, ամիս ու կէս, — աւելի երկար չը պիտի դիմանային: Ռազմամթերքը հատնուած էր — ճակատագրական պատուհաս: Անդրանիկը փամփոճուած էր գոռուած, բայց արգէն ուշ էր... Վաղուց արգէն հնչում էր այդ պաղատագին կոչը, բայց հայ հասարակութիւնը քարացել էր. նա ժամանակին արձագանք չըտուեց կազմակերպութեան յորդորներին և Սասունը այժմ քառուած էր այդ անտարբերութեան ոճիրը...

IV

ԱՐԵԱՆ ՏԱՍՆԱՄԵԱՅ ՅՕԲԵԼԵԱՆԸ

Սասունի արսաւրորները և եւրօպական հասարակական կարծիքը. — Անգլիան և միջամտութեան նախագիծը. — Վիժուած. — Դարձեալ Ռուսաստանը. — Հայկական պարտաբիւրքը և ներքին պատերազմը. — Պարսիկական կոխակեր:

Սասունը բռնկուած, ամբողջ երկիրը ալէկոծութեան մէջ: Կռիւր բորբոքել էր բոլոր կէտերում — Մշոյ դաշտից մինչև սուսական և պարսկական սահմանագլուխը: «Դաշնակցութեան» թուղթիկ խմբերը զերմարդկային ճիգ էին թափում՝ օգնութեան հասնելու հոգեվարք լեռնավայրին: Բայց ճանապարհը՝ ամենուրեք ցանած ղին ուրներով ու քրդական վոհմակներով: Դէպի ամեն կողմ՝ զէնքի շաշիւն, թնդանօթի որոտում: Հարկաւոր էր անսովոր վճռականութիւն ու խիզախութիւն՝ այդքան ահաւոր մի փորձութեան գիմագրաւելու համար — և այդ, գրեթէ միևնոյն ժամանակ, երբ Անդրկովկասը փոթորկել էր եկեղեցական գոյքերի յափշտակութեան ուկազով, երբ «Դաշնակցութիւնը» գանուած էր երկու ֆրոնտի վրայ կուելու սոսկալի անհրաժեշտութեան մէջ...

Եւ այնուամենայնիւ, հայ մարտական կազմակերպութիւնը պատմութեան անողոր դատաստանի առաջ մեղապարտ չը մնաց. նա չը լքեց և ոչ մէկը ժողովրդի նւիրական գատերից, նա արեց, ինչ որ կարող էր անել, նա թափեց անբաւ եռանդ՝ ինքնապաշտպանութեան զործը ուժեղացնելու համար, նա տուեց իր ու-

ժերի մաքսիմուսը, որ, անշուշտ, չնչին բան էր հսկայական կարիքի հետ համեմատած... Ո՞վ էր սակայն մեղաւոր...

Բայց իր սահմանափակ միջոցներով անգամ «Դաշնակցութիւնը» կարողացաւ պատուով դիմաւորել անցքերին. նա ստեղծեց Տաճկահայաստանում կանոնաւոր պատերազմական կացութիւն, նա շարժման մէջ դրեց տաճկական ամբողջ չորրորդ զօրաբանակը և քրդական բոլոր աշիրէթները, նա ճանաչեց պատերազմական կողմ: Մեր ֆէդայու հոշակը տարածել էր կայսրութեան ամենախուլ անկիւններում և մեր ամենաբիրտ թշնամիներն անգամ նա ներշնչում էր երկիւղ ու պատկառանք: Դեռ Սասունի կռիւններից առաջ՝ Բասենի մեծ ընդհարումն էր սարսափ ազդել մահմեդական խուժանին ու զօրքին: Այնտեղ, 150 հոգուց բաղկացած ֆէդայիների բանակը կուր էր բռնել կանոնաւոր զօրքերի ու հազարաւոր խուժանի հետ, թողնելով կուր գաշտում 500-ի չափ թշնամի դիակներ: Անգլիական Կապոյտ զիւրքը յարգանքով ու հիացմունքով է յիշատակում այդ կուր մէջ ցոյց տուած՝ հայ ֆէդայու արիւթիւնն ու անձնւիրութիւնը...

Եւ ինչ...

Արիւնը վտակներով հոսում է Սասունի կիրճերում, եւրօպական հիւպատոսները տեղեկագրում են անցքերը իրենց դեսպաններին ու մինխտորներին. «Դաշնակցութեան» ներկայացուցիչները եւրօպայում տենդային եռանդով մղում են պրօպագանդը, անում են դիմումներ, անել են տալիս կորովի հարցապնդումներ պատգամաւորական ժողովներում. մեր անզուգական Պլէսանսէն, այդ մարմնացած ալտրուիզմը, արտասանում է ֆրանսիական պարլամենտի խոր, պատկառոտ ուշադրութեան մէջ՝ մէկը իր կլասսիկ ճառերից, ուր փառաբանում է հայկական դիւցազներգութիւնն ու նրա փայլուն հերոսներին, և իր հմայիչ պատճառարանութեամբ, տաճկական իրականութեան ներհուն, բազմակողմանի ծանօթութեամբ, ծափահարութիւնների որոտ է յարուցանում ամբողջ պարլամենտում և ներքողալի կօմպլիմենտներ թոյնում նոյնիսկ ոլիմպիական Ինդիասէի բերանից... Մամուլը բարձրաձայն աղաղակում էր, որ չի կարելի թոյլ տալ նոր մարդկային սպանդանոցներ նոյն Սասունում, որի ցնցող մարտիրոսագրութիւնը տաս տարուց ի վեր զրազեցնում է քաղաքակրթ աշխարհի հասարակական կարծիքը:

Եւ ինչ... Մինիստրական խոստումներ ու դիմումներ, «ազգարտութիւններ» Կ. Պօլսում, «ազգարարութիւններ» վալիների մօտ, իսկ վճռական քայլ—երբէք: Դիւանագիտութիւնը, կառայ թէ ահամայ, անտարրեր հանդիսատես եղաւ Սասունի լեռներում խաղացող ողբերգութեան, նա շարունակեց իր պարագ, անոյժ ազգարարութիւնները, մինչև որ հայ արծիւները, մի քանի յաղթական կռիւներէ յետոյ՝ սկսեցին իրենց ճակատագրական ու արհաւիր յանանջը...

Եւ դարձեալ մի էր մեծագոյն յանցաւորը այդ ոճրագործ յապաղումների մէջ.— ուսական դիւանագիտութիւնն էր, հայ ժողովրդի մահացու թշնամին: Անգլիան, ըստ առաջնոյն, միայնակ միջամտելու տրամադիր չէր: Ֆրանսիան էլ, չը նայած Դէլկասսէի սկզբում բռնած կորովի ընթացքին, որեւէ լուրջ քայլ անել չը կարողացաւ կամ չուզեցաւ, առանց իր գաշնակցի: Անգլիայի ներկայացուցիչները, մինիստրից սկսած մինչև փոխ-հիւպատոսները, ցոյց են տալիս—ինչպէս այդ տեսնում ենք «կապոյտ զրքի» վկայութիւններից—բաւական եռանդ ու փութկոտութիւն՝ հայ ժողովրդի այդ ծանր ճգնաժամին: Ան ինչ՝ Զինովիեվ, Պօլսի ուսական ղեկավարը, միշտ երևում է կրաւորական դիրքում և, զըժրախտաբար, ազդում է Ֆրանսիայի ներկայացուցչի վրայ:

Մայիսի 11-ին (1904), երբ արդէն շատ բան անցել-դարձել էր, Զինովիեվ յայտնում է, ի պատասխան անգլիական ղեկավարի դիմումներին Սասունի անցքերի առթիւ, որ հրահանգել է ուսաց հիւպատոսին՝ միայնակ անգլիական հիւպատոսի հետ... Իսկ ուսաց հիւպատոսը, ղեկավարի ասելով, դեռ նոր էր ճանապարհել Թիֆլիսից զէպի Բիթլիս...

Ուշադրութեան արժանի է, որ անգլիական ղեկավարը մինչև իսկ հայ ապստամբների հետ բանակցելու որոշ ծրագիր էր կազմել: Վերին աստիճանի հետաքրքրական է մայիսի 12-ի նրա հեռագիրը, ուղղւած Բիթլիսի անգլիական փոխ-հիւպատոսին. ահա այդ հեռագրի պատճէնը, որ քաղում ենք պաշտօնական «Blue Book»-ից.

Հրահանգւած է վանի ֆրանսիական հիւպատոսին՝ իր ղեկավարի կողմից գնալ անմիջապէս Մուշ և խորհրդակցել ուսաց հիւպատոսի ու ձեզ հետ՝ արդիւնաւոր միջնորդութեան հաւանութիւնների մասին: Ուստի խնդրում են անմիջապէս գործի դիմել: «Աւերացնում եմ—ձեզ իրազեկ դարձնելու և ղեկավարելու

համար—մի տեղեկութիւն՝ թէ ինչպէս են վարւել հիւպատոսները Զէյթունում, իրենց միջնորդութեան ժամանակ Կ):

«Հիւպատոսները բաւականաչափ դիւերներ չեն մօտեցել էին ապստամբների բանակին, կանչել էին պարագլուխներին և հաղորդել էին նրանց թիւքերի առաջարկած անձնատուութեան պայմանները: Եւ երբ այդ պայմաններն ընդունել են, փոքրիկ փոփոխութիւններով, այն ժամանակ հիւպատոսները իրենց կազմաներով շրջապատել էին ապստամբների պարագլուխներին և առաջնորդել էին նրանց զէպի ծով, ուր նա ևն նստեցրել զէպի Եւրօպա: Պայմաններն էին՝ քրիստոնեաների համար կեանքի ապահովութեան երաշխաւորութիւն, ժամեղական հարեանների զինաթափում, ամնիստիա (ներումն), պատերազմական զէնքերի յանձնումն, մի քանի տարով հարկահանութեան դադարեցում և այլն»:

Ուշացաւ հիւպատոսական միջնորդութեան այդ ծրագիրը... Թուսաց հիւպատոսը, որը ճանապարհել էր Թիֆլիսից, «գալիս էր» ու չէր գալիս: Անգլիական, ֆրանսիական հիւպատոսները Բիթլիսում սպասեցին, սպասեցին... Իսկ մինչ այս, մինչ այն՝ վայրենի հօրդանները տալիս ու վրայ արին Սասունը, խորտակեցին հայկական դիմադրութեան վերջին հերոսական ճիգերը...

Այդպէս ահա վերջացաւ հայ-ժողովրդական էպօպէի այն անմոռանալի գրեալը, որի անունն է Սասունի ապստամբութիւն: Մի ուժեղ կազմակերպութիւն պէտք չի զգում թագցնելու իր փայլուն գործերի հետ և իր փայլուն ձախորդութիւնները... 1904 թւականը ամենազարթ և միանգամայն ամենամռայլ թւականներից է հայ ազատագրութեան պատմութեան մէջ: Նա թւականն էր սանձարձակ խանդավառութեան և դառն, անողորմ յուսախարութեան: Տարիների ընթացքում հասարակական կարծիք պատրաստեցինք Եւրօպայում, տարիներ շարունակ զարկեցինք ահակոչնակը,—և վճռական, տաղնապալի ժամին, երբ Հայաստանը վառւել էր յեղափոխական հրդեհով, երբ պիտի հնձէինք արդէն մեր աշխատանքի պտուղները՝ Եւրօպան վերստին մատնեց մեզ տաճկական եսթազանին, Սասունը, յայտնի իր աշխարհաստան ողբերգութեամբ, տեսաւ իր տառնամեայ արեան յօրեխանը...

Մի անգամ ես, և գուցէ աւելի բէլիսիֆ, աւելի ցայտուն կերպով

1) Սուրբ Զէյթունի վերջին, 1896 թւի ապստամբութեան մասին է: Մ. 3.

այդ ծանր թւականը վեր հանեց ուսական դիւանապետութեան դժոխային էութիւնը, որ այդ վերջին ողբերգութեան մէջ ևս յայտնուեալ է ամենամեծ պատասխանատուն: Մի անգամ ևս համամարդկային խղճմտանքը անարդ սիւնին մեխեց այն «չարաշուք ոգին», որ քսան և հինգ տարուց ի վեր հալածուեալ է մեզ իր թունաւոր ատելութեամբ, խանգարելով, դիմադրելով ամեն անգամ մեր արիւնոտ հարցի լուծման:

«Պատասխանատու թիւնները» բարդ են, ի հարկէ, ամեն մի պետութիւն ունի յանցանքի իր բաժինը, և միմիայն նրանք չեն մեղաւոր: Հայկական անաջողութիւնները ունեցել են միշտ և ներքին պատճառ—այն պաթօլօգիական անզգայութիւնը, որ ցոյց է տւել մեր ունեւոր հասարակութիւնը (ոչ ժողովուրդը) դէպի արիւնակիցների անվերջ ու սրտաճմլիկ հաւարը... Եթէ նա ժամանակին պարտաճանաչ գտնուէր, չը գլանար իր աջակցութիւնը Հ. Յ. Գաշնակցութեան՝ Սասունը, տարակոյտ չը կայ, աւելի երկար կը դիմադրէր և ապստամբութիւնը ուրիշ վախճան կունենար... Կապոյտ գրքի վկայութիւնները բացայայտ են գրանկատմամբ: Սասունի ապստամբութիւնը իր ողբերգական ելևէջներով ու հերոսական պարտութեամբ՝ մշանջնաւոր մի մեղադրական է մեր անօրինակ անտարբերութեան դէմ և թւում է, թէ Վահանների ու Հրայրների հողակոյտ-գերեզմաններից դեռ հնչում է սասանեցուցիչ անէծքը հայ բուրժուազիայի հասցէին, — անէծք, որ երէկ, լքման ու յուսահատութեան գերագոյն ժամին՝ այդ հերոս-նահատակները հնչեցնում էին Տալուրիկի բարձունքներից...

Պատմական չարիք... Այսօր ևս—նոյն դաւաճան անզգայութիւնը կովկասահայի տագնապի հանդէպ... Տեսէք, թէ ինչպէս դրամի իշխանները ամուր գարրնում են իրենց սնդուկները կամ փախչում են հազարաւոր մղոններ հեռու և ամեն տեղ խուլ-համբ են ձևանում քար ու քանդ գիւղերի ու քաղաքների, ժողովրդական ծով թշուառութեան ու ինքնապաշտպանութեան ազդակների դիմաց... Այդպէս էր և թիւրքաց Հայաստանի աշխարհազոյրդ սարսափների ընթացքում: Գերմանական պատերազմները և շվեյցարական խանութպանները թերևս աւելի կարեկցութիւն ցոյց տւին դէպի Կարմիր Սուլթանի զոհերը և իրենց լուծանքով աւելի ամոքեցին նրանց խեղճութիւնը, քան հարիւրաւոր միլիօնների տէր՝ հայ բուրժուազիան... Ո՞ր ազգի մէջ է որամի կուլտուրայի քան այլանդակ չափեր ընդունել և ո՞վ է մեղաւոր, որ

անձնուրացների բանակը դիմում է երբեմն յուսահատական միջոցներին՝ փշրելու համար բուրժուական անտարբերութեան այդ ապուսաժը, լրացնելու համար ինքնապաշտպանութեան հրամայողական կարիքը, օգնելու համար թշուառ, մորթուող հարազատների... Մինչև Երբ այդպէս... սարսափելի է մտածել: Անցնենք:

Կուրը շարունակեց: Սասունը, այո, մենակ չը մնաց իր ցնցումներով, մենակ, արիւնլայ և անարձագանք, ինչպէս 1894 սև թւականին: Հայկական դիմադրութիւնը, բարբարոսաբար ճընշուած բարձր լեռներում, շարունակեց, պարտիզանական կռիւների ձևով, գաշտերի վրայ և հեռագիրներն անընդհատ ծանուցին եւրօպական մամուլին արիւնահեղ ձակատամարտներ ֆէդայիների ու զօրքի միջև՝ մերթ էրզրումի, մերթ Բիթլիսի ու Վանի վիլայէթներում: Մայիսի սկզբներին Աշոտ Երկամն էր իր խմբով ընդհարում քրդերի հետ, Արճէշի մօտ, Սօջալուրի ձորակում. ուժերի տարափոց շուրջ փախչում է թշնամին, թողնելով 50-ից աւելի դիակներ: Յունիսի մէջ Կայմակի ձիաւոր խումբըն է կուռում Զիվինի աւերակներում, 4000-ից աւելի զօրքերի ու քրդերի դէմ. մի կատաղի կռիւ, որ խլում է մեր կողմից 25 քաջեր, իսկ թշնամու շարքերից մի քանի հարիւր:

Յուլիս ամսի մէջ Գաշնակցութեան արշաւախմբերը, թւով 102 հոգի, գրաւում են Զորի ու Վօսունի զօրանոցները և ուժերով ու զնդակներով ստակալի Չարդ ևս տալիս տաճիկ պահակներին: Ոտքի է կանգնում ամբողջ Ալաշկերտի թիւրք ու քիւրդ խուժանը. հայ ապստամբները դիմադրում են նրանց ու զօրքերին, կոտորում են մօտ 400 հոգի, իրենցից զոհ տալով 27 մարդ միայն:

Գրեթէ միաժամանակ, մի այլ արշաւախումբ, 61 հոգուց բաղկացած, Որտորի ու Թորգոմի առաջնորդութեամբ, կուր է բըռնում տաճիկ զօրքերի հետ Օթիի շրջանում, ոչ հեռու ուսական սահմանագլխից, և այդտեղ... խաղացում է մէկը այն զարհուրելի ողբերգութիւններից, որոնցով ուսու-բիւրօկրատական անհոգի վայրագութիւնը պէտք է յաւերժանայ պատմութեան մէջ.— ուսաց ռահմանապահ զօրքը, գնդապետ Բրիօլի ղեկավարութեամբ, օգնույ թեան է հասնում նեղն ընկած տաճիկներին, կոտորում է հաւաքտամբներին, չը նայած սրանց ձեռնպահութեան ու կրկնապատմութիւններին, ապա մերկացնում է, Չարդում, այլանդակունահատակներին և թիւրքերի հետ գրկախառնուած, օրգիաներ է

սարքում դիակները շուրջը... երբէք, երբէք հայ ժողովուրդը չի մոռանայ լանկթամուրակն այդ սարսուցեցուցիչ գազանութիւնները, երբէք նրա անարգած, արիւնտուած սիրտը այնքան գարշանք, այնքան ատելութիւն չէր զգացել դէպի քրիստոնեայ «համիդիականները», որոնք իրենց հրէշութիւններով մահմեդական քրդերից անգամ գերազանցեցին...

Ոչինչ չի կանգնեցնում հայ յեղափոխականներին, որոնք վրձուել էին *coûte due coûte* եւրօպական միջամտութիւն առաջ բերել... Ռազմական տենդը հասել էր չը տեսնուած սահմանների, գուցէ երբէք, հայկական բարձրամարտակը վկայ չէր եղել այնքան կազդուրիչ տեսարանների, այնքան արագութեամբ իրար յաջորդող բուռն, հերոսական ընդհարումներին...

Բասենի, Մասունի, Զիվիի, Բագրեանդի կռիւներից յետոյ՝ անա Բիթլիսի շրջանն է ասպարէզ գանձում արշաւախմբերի գործունէութեան: Անդրանիկը, միշտ անհանդիստ, միշտ կուրի ծարաւ՝ իր մի բուռը կտրիճներով նետուած է շարունակ այս ու այն վաշտի, զօրանոցի վրայ, մի օր նա յայտնուած է գաւառի մէջ, միւս օր ուղղակի բազմամարդ քաղաքի կենտրոնում—Բնչ փոյթ, թէ քաջի գլուխը գնահատուած էր արդէն—շանթի պէս զարնում է և անհետանում, թողնելով թշնամուն շժւած ու ահաբեկ:

Ահա Խանասորի Գումանն է երևան գալիս Վասպուրականում իր ընտիր հեծելախմբով, կուրի է բռնուում մեծաքանակ քրդերի հետ և մի անգամ ևս աջողութեամբ դուրս է գալիս այն ծանօթ վայրերից, ուր նա շատ անգամ նեղն է ձգել արիւնարբու աշիբէթներին:

Ահա վերջապէս հայ յեղափոխականները բանակ դրած Վասպուրականի մայրաքաղաք—Վանում... Բարրիկադները բարձրանում են, կուրը տուում է ամբողջ շարաթ... Յարձակման տպաւորութիւնը այնքան ուժեղ է, որ եւրօպայի հեռագրական գործակալութիւնները, չափազանցելով, ծանուցանում են, թէ «Անդրանիկը գրաւել է Վանը, հիւպատոսները շտապում են այնտեղ, իշխանութիւնները իրարանցման մէջ են, զօրքերը գնացել են ազատելու քաղաքը»...

Զէնքը շառաչում է երկրի բոլոր անկիւններում, թիւրք վաշտերը մորեխի պէս լցնում են գիւղ ու քաղաքներ, դահիճը կատաղութեամբ վազում է իր որսի վրայ և մի անգամ ևս ապարդիւն փորձ է անում թնդանօթների ծխի մէջ խեղդել հայ-

կական շարժումը... Իլեանագիտութեան ներկայացուցիչները խնամքով արձանագրում են իրողութիւնները, միշտ աւելի և աւելի համոզելով, որ չի կարելի կատակ անել մի շարժման հետ, որի արժաններն այնքան խոր են և որ հայ մարտական կազմակերպութիւնը ընդունակ է աւելի ցնցող իրողութիւններով յիշեցնել եւրօպային իր պարտաւորութիւնները...

V

ՊԱՏԱՍԽԱՆԱՏԻՈՒԹԻՒՆՆԵՐԸ

Թողցիկ ակնաւի հայկական հարցի պատմութեան վրայ.— Հայ շարժումը և մեր դիլլեսանս «Բաղաւաթակները».— Բերիլ և Սահ-Սեփակ.— Կիպրոսի դաշնագիրը.— Անգլիայի պատասխանաւորները — Անգլո-ուսական հակամարտութիւն.— Պետրոս Մեծի կեանքը.— Դեպի Պոլիս.— Ինչո՞ւ Ռուսաստանը փոխեց իր դիրքը.— Գերմանական և տեաշական ֆալսեպիտանները.—

Եւրօպան... Պարտաւորութիւնները...

Մենք ծանրացանք գրեթէ բացառապէս Ռուսաստանի մեղսակցութեան վրայ, մենք ճանաչեցինք ռուսական դիւանագիտութիւնը, իբրև գլխաւոր պատասխանատու հայկական հարցի այնքան ողբերգական վախճանի համար, ըսյց կան, անշուշտ և ուրիշ մեղսակցութիւններ, պատասխանատուութիւններ:

Մի թողցիկ պատմական ակնարկ թող աւելորդ չըթել ներկայ չափեր՝ տեսութեան մէջ:

Այդ գժբախտ հարցին վիճակւած էր դառնալ մի տիեզերական անլուծելի կնճիւռ, մի ճշմարիտ դորդան հանդոյց: Ծակատագիրը կանգնել էր նրա դէմ մի ահարկու և անողոր կատաղութեամբ, պատմութիւնը, դիւանագիտական անօրինակ կօմբինացիաներն ու խաղերը դրել էին նրան սկզբից իվեր մի զարհուրելի կախարդական շրջագծի մէջ, ուսկից դուրս գալ անհնարին է լինում մինչև օրս էլ:

Ինչպէս որ աշխարհագրական և տեղագրական միջավայրն է խեղդել թիւրքահայ ժողովրդին, ինչպէս որ նախապատմական գիշատիչ ու բարբարոս հօրդաններն են գրոհ տւել շարունակ այդ ժողովրդի դէմ և պատնէշ կանգնել նրա ապստամբական ու ազատագրական ճիգերի առջև, նոյնպէս և քաղաքական հակամարտ շահերը, նոյնպէս և միջազգային դիւանագիտութեան ներքին յա-

րաձուն անտագոնիզմը սկզբից իվեր անլուր ու անյաղթելի խոչընդոտներ է գրել հարցի նշատուտը լուծման հանդէպ...

Սկզբից ի վեր...

Ճակատագրին հաճելի եղաւ, որ 1878 թւին Սան-Ստեֆանոյի յայտնի դաշնագրի 16-րդ յօդուածը փոխարինւէր, մի քանի ամիս յետոյ, Բերլինի դաշնագրի 61-յօդուածով: Ճաճկահայաստանը այդ ակառով հանուում էր Ռուսաստանի խնամակալութիւնից և զբւրւում էր Եւրոպայի խնամակալութեան տակ...

Մեղադրականներ չենք ուզում արտասանել: Մեր քաղաքական անձերի և նրանց քայլերի գնահատութիւն չենք ուզում անել: Կը գայ ժամանակ, երբ հայ պատմագիրը ընդունակ կը լինի պաղ ու օրեկտիվ, ազատ ամեն տեսակ համակրանքներից ու հակակրանքներից, քննադատել մեր ժօտիկ անցեալի իրողութիւնները և նրանց հեղինակ—դէմքերը:

Այսօր դեռ չը կայ այդ պատմագիրը: Այսօր կիրքը և կուսակցական հակառակորդութիւնը այնքան հեշտութեամբ կուրացնում է մարդկանց և ստիպում նրանց՝ պաշտպանել բացարձակ անհեթեթութիւններ, ամենաբարձր դատողութիւններ: Այսօր հայկական հրապարակը լցւել է թեթեամիտ և զիլլետանա քննադատներով, որոնք խլացնում են մեր ականջները անհարին գոռում—գոչիւնով, դատափետում են և Վարժապետեաններին և բոլոր նրանց, որոնք այս կամ այն ձևով մասն են ունեցիլ հայկական հարցի ստեղծագործութեան մէջ: Թոթովախօս քաղաքական մտնուկներն անգամ, մի քանի լղարիկ բրօշուրների հետ ծանօթանալուց յետոյ, օտար ու թուուցիկ գրականութեան մէջ մի քանի մակերեսային յօդուածիկներ կարդալուց յետոյ՝ հրապարակ են նետւում—և սրպիսի ապրօմբով ու համարձակութեամբ—«Իրենց հեղինակաւոր խօսքն» ասելու, «Իրենց կարծիքը» յայտնելու հայոց պատմութեան ամենափափուկ, ամենացատու և ամենակնճոտ խընդիրների մասին... Եւ մտրակում են, ամբաստանում են, ջարդում փշրում են հայկական շարժման ռահմիրաներին, գրչի մի հարուածով ոչնչացնում են կազմակերպութիւնները և քաղաքական տնտեսութեան վկայական են տալիս նրանց շէֆերին:

Օ՛, այդ մանուկները իրանք թափանցել են դիւանագիտութեան խորախորհուրդ գաղտնիքների մէջ, իրանք, հարկաւ, այնպէս չէին վարւի 1878-ին և յետագայում, ինչպէս որ վարւեց

Ներսէս Վարժապետեան, ինչպէս վարւեցին Բաֆֆիները և նրանց հաւատարիմ կտակահատար՝ յեղափոխական կօմիտէները... Ո՛չ, նրանք այլ կերպ կը վարւէին, նրանք կը մըրնէին հանձարի մի հուժկու փայլատակուով՝ քաղաքականութեան ու զիլլօմատիայի «ոչալ շահերը», և 80-ական թւերից արդէն կ'ասէին ձեզ, թէ հայոց հարցը անլուծելի է, կ'ասէին ձեզ, թէ ինչ պիտի լինէր 15 տարի յետոյ, այդ հարցի շուրջը, դիւանագիտական յարաբերութիւնների մէջ...

Մարգարէանալու, դուշակելու տենպը ինքն ըստ ինքեան գովելի է, ի հարկէ՝ միայն թէ յայտնի է, որ ամենահանձարեղ մարգարէութիւններն անգամ ոչ մի արժէք չունեն, երբ նրանք կատարւում են post factum, սրդէն կատարւած իրողութիւնից յետոյ:

* * *

1878 թւին Բերլինի Կօնգրէսը առաւ Հայոց դատը Ռուսաստանի ձեռքից և յանձնեց Եւրօպական վեց խոշոր պետութիւններին:

Սան Ստեֆանոյի դաշնագիրը, կնքւած տաճիկ և ուրա կառավարութեան միջև, պատերազմից յետոյ, 1878 թ. մարտի 3-ին, յայտարարում էր:

Յօդ. XVI.—Որովհետեւ առաջօրքերի հետանալը այն հողից, որ նա գրաւել է Հայաստանում, որ պէտք է վերագրուի Թիւրքիային՝ կարող է տեղի աւել ընդհարումների ու բարբոթիւնների, որոնք կարող են վնասակար լինել երկու երկրների յաւ յարաբերութիւնների պահպանման համար—Բարձր Դուսար պարտաւորւում է առտնց ուշացնելու ի կատար ածել այն բարելաւումներն ու ռէֆօրմները որ պահանջում են հայաբնակ գաւառների տեղական կարիքները, և երաշխաւորել նրանց ապահովութիւնը բրդերի ու չէրքեզների գէմ:

Չորս ամիս յետոյ, 1878 թւի յուլիսին, Բերլինի համաեւրօպական Կօնգրէսը, որին թիւրքահայոց պատրիարք Ներսէս Վարժապետեան ներկայացրել էր մի մանրամասն դանգատ-աղերսագիր հայ վիլայէթների յուսահատ կացութեան մասին—Բերլինի Կօնգրէսը փոխեց, Անգլիայի նախաձեռնութեամբ, Սան-Ստեֆանոյի դաշնագրի վերոյիշեալ կէտը և ընդունեց հետեւեալ բանաձևը:

Յօդ. LXI.—Բարձր Դուսար պարտաւորւում է, առանց յետաձգելու ի կատար ածել այն բարելաւումներն ու ռէֆօրմները, որ պահանջում են հայաբնակ գաւառների տեղական կարիքները և երաշխաւորել նրանց ապահովութիւնը չէրքեզների ու բրդերի գէմ: Այդ նպատակի համար ձեռք առած միջոցների

մասին Բ. Դուսը պարբերաբար կը տեղեկացնէ Պետութիւններին, որոնք կը հսկեն նրանց գործադրութեան վրայ:

Այդպիսով Եւրոպան, վեց պետութիւնները, հանդիսաւոր կերպով իրենց հովանաւորութեան տակ են առնում դարաւոր ստրուկ հայաստանցուն:

Ազատագրութեան արշալոյս էր թուում զժբբախտ, նահատակ ժողովրդի համար այդ նշանաւոր քաղաքական ակտը—և հասկանալի է այն բունն ոգևորութիւնը, այն անսահման ու անխտոն բերկրանքը, որով համակեած էր պատրիարք Վարժապետեան իր հռչակաւոր և աւետարեք Կոչի մէջ, ուղղած թիւրքահայ ժողովրդին...

Ոգևորութիւնն, աւանդ, կարճատև եղաւ, շուտով հետեց ամենադառն, ամենաաղետաբար հիասթափութիւն... 61-րդ յօդուածը և Եւրոպայի խոստացած կօնտրօլը մնացին պատրանք, կեղծիք, խարէութիւն...

Այն, Անգլիայի ջանքերով էր, որ ձևակերպեց Պետութիւններին այդ հաւաքական կօնտրօլը, Անգլիան էր, որ վախենալով մի գուցէ Հայաստանն էլ կուլ գնայ Մօսկովին, շտապեց հանել այդ երկիրը ռուսական հսկողութիւնից, և Անգլիան, անշուշտ, այդ օրերից ի վեր կրում է իր վրայ խիստ որոշ պատասխանատուութիւն:

Կայ մի ուրիշ հանգամանք, որ աւելի ևս ծանրացնում է անգլիական պատասխանատուութիւնը: Կայ մի երրորդ ղօկուսիտ նոյն չարաբաստիկ հայկական խնդրի վերաբերեալ: Դա Կիպրոսի դաշնագիրն է, որ կապեց Անգլիայի ու Տաճկաստանի միջև, նոյն միջոցներում (1878-ի յուլիսի 4-ին): Այդ մասնաւոր դաշնագրով Անգլիան պարտաւորում էր պաշտպանել թիւրքիայի ամբողջութիւնը «Մօսկովի» նոր արշաւանքներից և իբրև հատուցում՝ ստանում էր սուլթանից Կիպրոս կղզին ու միաժամանակ երաշխաւորութիւն՝ որ Տաճկահայաստանում մտցրեն պահանջուած ուժօրմները... Տարիներն անցան, «երաշխաւորութիւնները» այնպէս էլ մնացին... Բոլոր յօդուածները, բոլոր հանդիսաւոր յանձնառութիւնները արհամարհեցին սուլթանի կողմից և ոչ ոք չը հոգաց նրանց իրագործման մասին—ոչ իսկ նենգաւոր Ալբիօնը:

Լօրդ Բիկօնֆիլդ, Լօրդ Սօլսբիլերի՝ բրիտանական քաղաքականութեան այն ժամանակեայ վարիչները՝ սարսափած Ռուսաստանի նաճուսներից, նրա արագ ու յաղթական յառաջնադա-

ցութիւնից զէպի Պօլիս, որոշեցին, ինչ գնով էլ լինի, պատնէշ կանգնել այդ սպառնական արշաւանքի առաջ և մի տեսակ կուլտ, մի տեսակ քաքաքական զօգմա գարծրին Օսմանեան կայսրութեան ամբողջութիւնը. նրանք որոշեցին այդպիսով պաշտպանել մի փտած, խարխուլ, ախտաւոր գոյութիւն, ի վնաս միլիօնաւոր հեծկլտացոյ հպատակներին—և գործեցին պատմական անջնջելի մի ոճիր...

Դերերը ժամանակի ընթացքում փոխեցին: Ռուսաստանը, կիսալուսնի այդ աւանդական թշնամին, նա, որ ուզում էր ծաւտել ու կլլիլ սուլթանների երկիրը,—Ռուսաստանը, սլ ճակատագրի քմահաճոյք, յետոյ դարձաւ ջերմ պաշտպան Տաճկաստանի ամբողջութեան:

Քաղաքական էւօլիւցիան բերեց նրան որոշ հրահանգներ: Նա նպաստել էր բալկանեան մանր ազգերի ազատագրութեան, ոչ ի հարկէ իբրև անկեղծ, գաղափարական մի ազատարար—դա հակասում է բռնապետութեան ներքին բնութեան—այլ նա ազատել էր այդ մանր ազգերին՝ իր սեփական, շահադիտական նպատակներով: Պետրոս Մեծի օրերից ի վեր, նրա հռչակաւոր կրտակի գօրութեամբ՝ ռուսական միապետութիւնը ձգտում էր միշտ, անդրդելի յամառութեամբ զէպի իր մեծ ու փայփայած նպատակակէտը—դէպի Պօլիս...

Տիրել սուլթանների մայրաքաղաքին, տիրել հին հոովմէական արևելեան աշխարհի սիրտ—կենտրօնին, նշանակում էր տիրել բարոյապէս ամբողջ արևելեան քրիստոնէութեան... Ֆրիդրիխ Էնգիլս ճիշտ է նկատում «Ռուսական ցարիզմի արտաքին քաղաքականութիւնը» վերնագրով իր նշանաւոր յօդուածի մէջ, որ Յարզբաղը, Պօլիսը դիտում էր Պետերբուրգից ու Մօսկուայից յետոյ, իբրև Ռուսաստանի երրորդ մայրաքաղաք, որ պիտի լինէր վըճուողական էտապ, ուղօթեան՝ ամբողջ Եւրոպային տիրելու համար: Դա կը լինէր միահեծան տիրապետութիւն Սև ծովի վրայ, Փոքր Ասիայի վրայ, Բալկանեան թերակղզու վրայ:

Պօլսին տիրելով, Ռուսաստանը կարող էր, ուզածին պէս, փակել Սև ծովը բոլոր ոչ-ռուս առևտրական ու պատերազմական նուերի համար, դարձնել նրան ռուսաց պատերազմական մի նաւահանգիստ և մանեօլրներին մի ընդարձակ դաշտ ռուսական նաւատորմի համար, որը այդ պահով պահեստի վայրից կարող էր անող յարձակումներ գործել ամբացրած Բօսֆօրի վրայով և նորից

այդտեղ ապաստանել, ըստ ցանկութեան՝ արագ ու յաճախ 1) — 1) :

Եւ ահա այդ մեծ նպատակն իրագործելու համար, Նապօլէօնեան աշխարհակալութեան տենդով բռնաձ ուսական միապետութիւնը, Պետրոս Մեծի կտակի համաձայն, ծաւալեց անսովոր եռանդ, գործ դրեց անգուլ ճիգեր, ազատարարի ծիրանիով, բայց իրօք նւաճողի ախորժակներով՝ զնաց փրկելու օսմանեան լծից հաճակրօն սլավօններին և ստեղծեց մանր սլավօն պետութիւններ Բալկանեան թերակղզու վրայ :

Այդ պետութիւնները պէտքէ լինէին «Մօսկովի» հարազատ ու հաւատարիմ կլիէնտները, նրանք պէտքէ լինէին մի մի էտապներ մեծ ճանապարհի վրայ, դէպի մեծագոյն նպատակը...

Յոյսերը, սակայն, չհարգարացան : Նորակառոյց պետութիւնները, թէպէտ և համակաձ երախտագիտութեան զգացումներով դէպի ազատիչը, բայց շատ շուտով զգաստացան, եղան խիստ ջերմ նախանձախնդիր իրենց անկախութեան և դիմագրեցին Ռուսաստանի շահախնդիր տենչանքներին : Այդ դիմագրութիւնը, գնալով, միշտ աւելի և աւելի սաստկացաւ :

Այդտեղից ահա և սկսուեւ է մի կատարեալ շրջումն ուսական քաղաքականութեան մէջ : Hier ist der Hund begraben... Այդտեղ է աղբիւրը այն բոլոր դժոխային խաղերի, այն բոլոր քրքստմանի, աշխարհաստան ոճիրների, որ նիւթից ուսական դիւանագիտութիւնը Փորը-Ասիայում, պաղ, ստօյիկեան անտաբերութեամբ...

Այո, գերերը փոխեցին : Ռուս կառավարութիւնը այլ ևս չուզեց ստեղծել իր սահմանների մօտ ինքնավար երկիրներ, նա վճռեց պաշտպանել Տաճկաստանի ամբողջութիւնը, սպասելով յարմար ժամանակի, երբ կըկարողանար նորէն մեկնել իր բռնաւոր թաթը և խլել սուլթանի կայսրութիւնից համեղ կտորներ, թէկուզ հէնց Տաճկահայաստանը : Այդ նպատակի համար նրան ձեռնառու էր պահպանել տաճկահայ դաւաններում մշտնջենական քօսօ, մի յարատե անիշխանական վիճակ, որը կարող էր միշտ առիթ տալ «Մօսկովի» միջամտութեան...

Ռուսաց դիպլոմատիան դարձաւ սուլթանի «ջերմ» բարեկամը, աշխատեց գրաւել նրա վստահութիւնը, որպէսզի դիւրութեամբ կարողանար տարածել իր աղբեցութիւնը նրա լայնարձակ թագաւորութեան վրայ :

1) Friedrich Engels, Die auswärtige Politik des russischen Zarenthums, «Neue Zeit», April, 1890

թեամբ կարողանար տարածել իր աղբեցութիւնը նրա լայնարձակ թագաւորութեան վրայ :

Սակայն, շուտով հրապարակ եկաւ մի ուրիշ ֆակտոր՝ Բօսֆօրի ափերում, որը մէկ հարեւածով դուրս մղեց «Մօսկովին» Արեւիկ Համիդի կասկածոտ սրտից և ինքը բռնեց նրա տեղը...

Վերջին տարիներս Ռուսաստանը համարեա բոլորովին չէր հետաքրքրուեւ Տաճկաստանով : Նա արդէն կարծես յոյսը կտրել էր և Յարգրագի նւաճումից և դէպի Հնդկաստան մի օր ուղղելիք իր արշաւանքի ծրագիրներին... Ճանապարհը խիստ տատասկոտ էր և Բրիտանեան, ծովերի թագուհին, կանգնած էր այնտեղ, Հնդկաստանի մէջ՝ հօրը, անպարտելի : Մնում էր ուրիշ ասպարէզներ փնտրել աշխարհակալական արկածների համար :

Եւ ահա Պետերբուրգը դարձրեց իր ուշադրութիւնը մերձաւոր Արևելքի թատերաբեմից և նայեց դէպի հեռու Արևելք... Այնտեղ կար լայնածաւալ Մանջուրիա, կար Չինաստան, որոնք աւելի հետաքրքրական էին, աւելի հրապուրիչ և ըստ երևոյթիւն աւելի «գիւրամարս» : Մենք տեսնք, թէ որպիսի դիւրութեամբ ժարսեցին այդ երկրները...

Այսպէս թէ այնպէս, Բօսֆօրեան միջուրդից միշտ աւելի և աւելի կտ քաշեց թիւրքիայի երբեմնի զարգանդ-Ռուսաստանը : Այդ հանգամանքից մեծապէս օգտուեց Գերմանիան...

Մինոր պատահաս՝ դժբախտ, բազմատանջ Հոյաստանի ժողովրդի համար... Գերմանիան եկաւ ունակական ամենարիտ քաղաքականութեան դրօշակով և սկսեց ձգել Տաճկաստանի հարստութիւնները : Ինքը, յաւիտենական կօմիտիօյաժեօր Վիլհելմ կայսրը անձամբ զնաց սուլթանների երկիրը և իր պողպատեայ ձեռքով սեղմեց Երվրզի մենաւորի արիւնոտ ձեռքը : Նա շուտ շահեց Համիդի սիրտը, շուտ դուրս մղեց բոլոր ուրիշ մրցակից ուժերը և զիջումներ զիջումների հոտից ստանալով, տնտեսական հոյակապ ձեռնարկների ցանցով պատեց Տաճկաստանը :

Realpolitik! Բիւսմարկի դաժան ոգին էր խօսում այդ զգւելի բառի մէջ, որի պաղ, ստոցային ծոցում շողիանում են մարդասիրութեան, ալտրուիզմի բոլոր զգացումները... «Ամբողջ Հոյաստանը՝ ամբողջ Մակեդոնեան չարժեն անգամ մի Պօմերանեան զինուորի ոսկորին»...

Այդպէս էր ասել դաժան կանցլերը և այդ նշանաբանին մի-

անգամայն հաւատարիմ մնաց գերմանական քաղաքականութիւնը Վիլհելմ II-ի օրով: Գերմանիան ոչ միայն երբէք չը փորձեց պաշտպանել որեւէ ճնշւած ժողովրդի դատը, ոչ միայն երբէք չուզեց յիշել Բերլինի դաշնագրով իր ստանձնած պարտաւորութիւնները, այլ և սատար ու աջակից եղաւ կարմիր սուլթանին՝ նրա ամբողջ քաղաքականութեան մէջ—էրէտական, Հայկական ու Մակեդոնական խնդիրներում: Պօլսի ամենամեծ ջարդի միջոցին (1896 օգոստոս) արքայական ընծաներ էին փոխանակուած Բերլինի ու Նըլդըզի միջև... Իսկ երբ, սրանից չորս տարի առաջ, «դաշնակցական» մի խումբ ուսանողների յորդորներով, սօցիալ-դէմօկրատ Գրադնաուէր, Ռայխստագի մէջ հարցապնդում արեց հայոց հարցի, Հայաստանի սարսափների և Գերմանիայի միջազգային պարտաւորութիւնների մասին,—կանցիւէր Բիւլօվ պատասխան անգամ չրտեց, այլ բաւականացաւ մի կծու հեզնանքով... Մի մեծ, սահմանադրական, քաղաքակիրթ երկիր, որի արտաքին քաղաքականութիւնը՝ այնքան ազէտաբեր թիւրքահայատակ ժողովուրդներին համար՝ չափուում ու ձեւում է Վիլհելմ-Բիւլօվեան ձեռքերով և որի ամենաուժեղ կուսակցութիւնը, Սօցիալ-դէմօկրատեան ոչ մի ոյժ, ոչ մի ճնշում, ոչ մի ազդեցութիւն չի գործ դնում՝ այդ քաղաքականութեան արհաւիրքները դէթ փոքր ինչ մեղմելու համար: Սօցիալ-դէմօկրատեան՝ 3 միլիօն ընտրողներով և 80 հոգի պատգամաւորներով Ռայխստագի մէջ՝ հանդիսանում է միջազգային քաղաքականութեան խնդիրներում... մի մեծ դերօ. նա առհասարակ չի բողբոքում (չեմ խօսում, ի հարկէ, Աֆրիկայի գերմանական գաղութների ընդհանրի մասին, որոնց դատի համար Բէլէնները—իրաւամբ, անշուշտ,—հաղարաւոր նիզակներ են ջարդել Ռայխստագի մէջ)—տարիների փորձը համոզել է մեզ, որ նա, գերմանական Սօցիալ-դէմօկրատիան դէպի արեւելեան մորթոտւող ազգերը չի ցոյց տւել նոյնիսկ այն minimum—կարեկցութիւնը, որ պէտք է պահանջել մի քաղաքակիրթ համայնքից: Դառն է, բայց իրողութիւն:

* * *

Եւ շարունակեց Հայաստանի մարտիրոսագրութիւնը: Անբնիտ ժողովուրդ... Ո՞վ կարող էր կարծել, թէ քո տարրական ապահովութեան հարցը այդ աստիճան պիտի խճճէր, պիտի բարդանար, թէ քո պաշտօնական հովանաւորները այդքան անհաւատալի

ցածութեամբ, այդքան ազգակող ցինիզմով պիտի դաւաճանէին իրենց տւած խօսքին...

Ռուսաստանը—Թշնամի, Գերմանիան—Թշնամի, Ֆրանսիան հակւած դէպի Ռուսաստանը, Աւստրիան հակւած դէպի Գերմանիան, Իտալիան էլ—չէզոք, Անգլիան մնում էր մեն մենակ... Հասարակական կարծիքի բուռն հոսանքից սթափւած՝ նա աչքերը լայն բաց արաւ, բայց արդէն ուշ էր: Նրա ձայնը այլ ևս չէր լրսւում Բօսֆօրի ափերում, նրա բոլոր քայլերը հանդիպեցին Ռուսաստանի դիմադրութեան, նրա բոլոր նախաձեռնութիւնները խափանեցին...

Եւ եղաւ այն, ինչ որ արդէն տեսանք:

VI

Չը յուսահատւի՛նք:

«Նօրմալ» վիճակը—Ո՛ր է կելը.—Ռուսահայաստանը և Եւրոպական դասը.—Զ. Յ. Գալեակցուրեան դիւրը.—Միջազգային ֆաղափակումը Բիւլօվեան կերպիւյ.—Ռուսական յեղաշրջումը և դարձեալ նոր յոյսեր:

Փոթորիկն անցաւ, ուսումի ազգականները լուցին վիթխարի պայանդանոցում, «ազատութիւն» մըմնջալով, ընկան մեր կորիւնները բուռն, յուսահատ և այնքան անհաւասար պայքարի մէջ, լքւած Եւրօպայից, լքւած իրայիններից: Եւ գերեզմանային «խաղաղութիւնը» վերստին տիրեց Տաճկահայաստանում...

Վերականգնեց այսպէս անւանւած «նօրմալ» դրութիւնը—«նօրմալ»՝ որոշ դիւլօմատների և գուցէ նաև որոշ «ազգայինների» հեղինակաւոր տեսակէտով—մի դրութիւն, ուր իրաւ է, չը կան մեծ, մասսային ջարդ ու աւերումներ, բայց ուր ժողովուրդը հարում է օրերով, ժամերով:

Իեռ երբէք բացառիկ օրէնքների ըէժիմը այնքան յարատւ բռնութեամբ չէ իշխել մարդկութեան որեւէ հատուածի վրայ: Դրակօնը իր հնադարեան առասպէլական մոլեգնութեամբ՝ նսեմանում է Ելլըզ Գեօսկի կամարիլայի առջև:

Որո՞նք են այդ «նօրմալ» դրութեան սքանչելիքները:

Նրժեկեկուծեան կաշկանդում: Հայ տարրի ազատ հաղորդակցութեան դէմ հաղարաւոր արգելքներ են հանւում. փակուում են ճանապարհները թէ դէպի գուրս՝ արտասահման, և թէ դէպի ներս՝

զաւառից-զաւառ, քաղաքից-քաղաք, գիւղից-գիւղ: Հետեանքն այն է, որ քաղաքներում իսպառ կաշկանդուում է առևտրական կեանքը, ապրանքների արտադրութիւնն ու փոխանակութիւնը, իսկ գաւառներում յաճախ անհնարին է լինում օգնութեան հասնել՝ արհեստական սովից մեռնող հայ ընտանիքներին:

Հարկահանութիւն: Ամենաահարկու խարազաններից մէկը այն դժբաղդ վայրերում: Որքան յաճախ սուլթանական հարկահաւաքները դագանակով ու մահւան սպառնալիքներով ստիպում են հայ պրօլետարին ծախել իր վերջին, խղճուկ ստացւածքը, վճարելու համար իր բաժին հարկերը՝ այնքան բազմաթիւ, օրինաւոր ու ապօրինի, յետնեալ ու ներկայ: Եւ այդ դեռ բոլորը չէ, դեռ կանքիւրդ աղաներ, յեղապետներ ևս, որոնք իրենց յատուկ պահանջներն ունեն:

Բանտային մահացումիւն: «Բացառիկ» ըէժիմը իշխում է նոյն իսկ բանտերում: Հայ կալանաւորները պահուում են անոխի խցիկներին մէջ և ենթակայ են անօրինակ տանջանքներին: Թիւրք ու քիւրդ աւազակները, որոնց փակում են հայ քաղաքական յանցաւորներին հետ, յաճախ լրացնում են բանտային կացութեան արհաւիրքը. չնչին առիթով նրանք պատրաստ են յարձակել, կոտորել իրենց «գեաւուր» բաղդակիցներին: Ոչ մի բանտային կեանք երկրագնդի վրայ չէ արտադրել այնպիսի ցնցող մարտիրոսագրութիւն, որպիսին բաժին է ընկել 20 տարուց ի վեր թիւրքահայ ժողովրդին: Ոչ մի բանտային ըէժիմ չէ պատճառում այնքան զարհուրելի մահացութիւն, ինչպէս այդ տեսնում ենք Տաճկահայաստանում և ուրիշ հայաբնակ վայրերում: Կապոյտ գիրքը արձանագրել է յաճախ այդ վայրերի ըէժիմի սոսկումները...

Ներգաղթում (immigration): Այն վայրերում, ուր հայ ազգաբնակչութեան մէջ շատ թէ քիչ շեշտուում է ինքնապաշտպանութեան բնագոյր, ուր գժւար է սովորական, վայրագ միջոցներով արմատախիլ անել «վտանգաւոր տարրը», — այնտեղ հաստատուում են, պաշտօնական աշակցութեամբ՝ մահմեդական գաղթականներ, եկեղծներ, չէրքեզ, լեզգի և այլն, որոնք դառնում են թշուա բնիկների համար նոր պատուհաս, բռնի յափշտակում են նրանց հողերը, ստիպում են գաղթել...

Մասնակի սպանութիւններ: Ի՞նչ կայ աւելի դիւրին, քան ամենօրեայ մասնակի սպանութիւնները քաղաքականութիւնը, որը զիւժում է իր ոճրագործ նպատակին, սոսանց աղմուկ հանելու, դի-

ւանագիտութեան ուշագրութիւնը հրաւիրելու: Փաստեր չենք բերում. «Դրօշակի» վերջին տարիները համարները լի են ողբերգական պատահարների արձանագրութիւններով, որոնք պարզ վկայում են, որ կոտորածը իրօք քրօնիկական բնաւորութիւն ունի թիւրքաց Հայաստանում:

Ո՞ւր է ելքը...

Մեր համառօտ տեսութիւնից մասամբ արդէն բղխում է այդ չարատանջ հարցի պատասխանը: Հայ «պատմական փոքրամասնութեան» կռիւը օսմանեան բռնապետութեան դէմ՝ պէտք է շարունակել, նա չի կարող կանգ առնել: Յեղափոխական գործունէութիւնը, տաքտիկի կողմից, կարող է, անշուշտ, փոփոխութիւններ կրել և պէտք է կրէ, համաձայն տեղի ու ժամանակի պահանջներին: Բայց նա ընդհատել չի կարող, հէնց այն պարզ պատճառով, որ կիսանահատակ ժողովուրդը, չը նայած իր դրութեան բոլոր սարսափներին, արտադրելու է միշտ իր լքւած դատի համար կըլուող ու զոհուող երիտասարդութիւն, — այն երիտասարդութիւնը, որ ամենագոյուն, սրտոտ ու անձնէր տարրն է ամեն տեղ, որ գժւարութեամբ է ճկում պարանոցը բռնաւորի առաջ, որ զօրավիգն է բոլոր ազնիւ ըմբոստացումներին:

Յաւի, տառապանքի ժխորի միջից լսելու է միշտ խիզախ ու հուժկու բողոքի ձայնը, որ ձգտելու է միշտ կիրպարանաւորւել, կազմակերպւել, որ կարօտելու է միշտ ինտելիգենտ և ռազմագէտ ղեկավարների, նիւթական ու բարոյական գործօն աջակցութեան:

Ո՞ւր պիտի փնտրէ նա, թշուա, անօգնական տաճկահայաստանցին, ռւր պիտի փնտրէ նա այդ աջակցութիւնը, եթէ ոչ մեզ մօտ, իր արիւնակիցների աշխարհում: Եւ ո՞վ է այն համարձակը, որ վստահանայ պնդել, թէ արիւնակցութիւնը այնքան էլ շօշափելի, այնքան էլ զօրաւոր մի ֆակտօր չէ մեր արիւնաներկ երկրագնդի վրայ, ո՞վ է այն խիզախը, որ քաջութիւն ունենայ յայտարարելու, թէ ռուսահայ ժողովուրդը կարող է դրժել իր 15 տարւայ պատմութիւնը, իր տւած հերոսներին — Զաքարեաններին և Կարօնների, Պետրոսների և Թորգոմներին — սրբազան աւանդը, թէ Հ. Յ. Դաշնակցութիւնը, յանձին իր կովկասեան մարմինների, կարող է, առանց ինքզինքը ժխտելու, հրաժարիմք ասել թիւրքահայ դատին և թողնել արիւնլւայ ժողովուրդը իր ճակատագրին...

է՛հ, անշուշտ. մասսային գործօն մասնակցութիւն կովկասա-

հայերի կողմից չի եղել տաճկահայ շարժումների մէջ, նա չի նըկատել նոյն իսկ Տաճկահայաստանում: Բայց սրտեղ է եղել նա. սր ազգն է իր ազատագրական տազնապնների ժամին հանդէս բերել ընդհանուր, համատարած, մասսային շարժում...

Սակայն միւս կողմից՝ ո՞վ կարող է մոռանալ այն յուզիչ ու սըրտապնդող տեսարանները, մասսային ոգևորութեան այն անսովոր արտայայտութիւնները, որոնց ահանատես էինք մանաւանդ շարժման առաջին շրջանում. ո՞վ կը մոռանայ յաւէտ յիշատակելի այն օրերը, երբ Կուկունեանի խմբի արշաւը Անդրկովկասի մի ծայրից միւսը՝ նմանում էր յաղթական թափօրի, երբ ժողովուրդը արտասուքն աչքերին դիմաւորում էր հայ ազատագրութեան առաջամարտիկներին, երբ Ալէքսանդրօպօլի ու Ղարսի յետին արհեստաւորը շտապում էր իր լուծման ձգել յեղափոխական գանձարանի մէջ, երբ պառաւ մայրը իր մին ու ճար դաւակին բերում էր Կուկունեանին, ինդրելով նրան՝ «տանել Հայաստան» և զոհաբերել հայրենիքի սեղանի առջև...

Ո՞վ է այն կոյրը, այն անգիտակից, թերուս դօքտրինեօրը, որ մերժէ արիւնի եղբայրահիցութեան այդ համատարած, տիեզերական փաստը և փորձէ ամեն բան վերածել շահի գոհնիկ փիլիսոփայութեան, կամ լաւագոյն դէպքում՝ լոկ պլաւսօնական մարդասիրութեան... Հայութիւնը այնքան էլ հարուստ չէ հոգեկան փսեմ արտայայտութիւններով, — ինչո՞ւ են ուզում նսեմացնել նրա կեանքի ամենապայծառ էպիդօղները... Ո՞վ սիրա կանէր ջնջել համաշխարհային պատմութեան էջերից ցեղա-ազգայնական այնպիսի ուժեղ համակրութեան փաստեր, ինչպէս բօլգարները, յոյները ու այլոց յարատև ճիգերն ու զոհողութիւնները՝ յօգուտ իրենց տանջող ու պայքարող արիւնակիւնների՝ Մակեդօնիայում, Կրետեում...

Ռուսահայ և տաճկահայ պիտի թև տան իբրար, պիտի միանան և՛ սև օրերում և՛ ուրախ, հանգիստաւոր ժամերին, և՛ տառապանքի և՛ խանդավառութեան գրկում, նրանք պիտի լինեն իրարու նեցուկ, պաշտպան, քաջալեր: Այդ միութիւնը փորձանքների մէջ, սրտերի այդ յուզիչ ներդաշնակութիւնը չէ՞ր տեսնում արդեօք հէնց այսօրւան ռուսահայկական տազնապի միջոցին, թուրք խուժանի գրոհի հանդէպ... Նայեցէք ձեր շուրջը...

Այո. «Գաղափարներ» և նրա հետ Անդրկովկասեան հայ

ժողովուրդը կը շարունակեն համարել թիւրքահայ խնդիրը իրենց սեփական, հարազատ մի դատ: Անցեալը, իրաւ է, մխիթարական քիչ բան է տալիս այդ դատի լուծման տեսակէտից — և մենք չը վաչցանք մեր տեսութեան մէջ շեշտելու այդ տխուր հանգամանքը, մենք չուզեցինք շրացնել ընթերցողին պարապ, օպտիմիստ յայտարարութիւններով — սակայն այդտեղից մինչև լքուին ու յուսահատութիւնը՝ դեռ շատ հեռու է: Անցեալի արգելադրի Ֆակտօրները ենթակայ են մշտական փոփոխման...

Սրանից 7-8 տարի առաջ մեծ, շառաչայի կոտորածներից յետոյ, մեզ ասում էին, թէ ամեն բան վերջացած է, հայ ժողովուրդը ընկճւած է, ուժասպառ, հայ երիտասարդութիւնը իսպառ հնձւած, հայ լեզափոխական հոսանքը ցամաքած... Բնյց դրանից յետոյ ըմբոստների բանակը ցոյց տուեց, անգամ իր սուղ միջոցներով, որ կարելի է ամբողջ տարիներով Սասունը պահել անկախ վիճակում և ամիսներով կոխ մղել այնտեղ կանոնաւոր պօրքի և տաննեակ հազարաւոր քրդերի դէմ, — մի կոխ, որ պէտք է վերջանար մասնակի յաղթանակով, եթէ Գաղափարները մարդկային տակ դրւած լինէր աւելի դրամ ու ռազմածրագր:

Մեզ ասում էին Սասունի այդ ցաւագին պարտութիւնից յետոյ ևս, թէ ամեն ինչ կորած է անդառնալի կերպով, բոլոր յոյսերը՝ մարած, — և դարձեալ անմիտ երեմիականներ, դարձեալ յոռետեսութեան աղաղակներ... Մեզ ասում էին և այն, որ բոլոր չարիքների աղբիւր-պատճառը, բոլոր ոճիրների խորհրդանշան — Կարմիր Գաղանք անմատչելի է իր որջի մէջ... Բայց նոյն յեղափոխական փոքրամասնութիւնը, — ի՞նչ ենք ասում — մի հատիկ մարդ, մի հրաշագործ ձեռք մատչելի չարձրեց նրան... Նզովենք անարգ պատահարը, որ այդ ձեռքը այնպէս վաղաժամ անդամալուծելով՝ ճակատագրական վիժման դատապարտեց վրիժառու Գործը, որի աջողութեան հետ այնքան իրաւացի յոյսեր էին կապւած...

Սպառնէց արդեօք ժողովրդի կորովը: Ողբալ, խանչ դնել մեծ, արիւնոտ, համաշխարհային դատի վրայ և թողնել այդ ժողովուրդը հալ ու մաշ լինել բարբարոսների ճիրաններում, սովի, ետթաղանի ամենօրեայ հարւածների տակ: Բայց դա կը լինէր աննրբելի պարտազանցութիւն, դա կը լինէր դաւաճանութիւն, մանաւանդ ներկայ խորհրդաւոր օրերում, երբ ազատարար մի հողմ

անցնում ամբողջ աշխարհով. — Ռուսաստանը, հայկական էհարցի լուծման այդ մեծագոյն խոչընդոտը, նորոգելու վրայ է, ուստի ժողովուրդը յեղափոխութեան շրջանի մէջ է և վաղը ամբողջ պետական կազմի հետ՝ արտաքին քաղաքականութիւնը ևս պիտի դուրս ժողովրդական ներկայացուցչութեան դատաստանի առջև. հիւսիսի. կօլօսը, իր սեփական շահերից իսկ լմղած և պսոն-գերմանիզմի սրտը առաջադիմութեան հանդէպ, Տաճկահայաստանում պիտի բռնէ անհրաժեշտաբար նոր, տարբեր ընթացք հայ դատի նկատմամբ... Միւս կողմից քաղաքակրթւած երկրներն էլ,—Ֆրանսիան, Անգլիան—տալիս են հետզհետէ իրենց ղեկը յուսալի, սրմատական տարրերի ձեռքը, որոնք վաղը դժուար թէ լքեն մեզ իրենց նախորդներէ պէս... Միւս կողմից, վերջապէս, ահա սկսում է ցնցել ինքը թիւրք ժողովուրդը, սուլթանականութեան հզօրագոյն պատուարը... Մի քանի վայրեր արդէն թատր են լուրջ յուզումներ, հակաբիւրօկրատական բուռն ցոյցերի... Տաճիկ մասսան գիտակցութեան է գալիս և դուցէ արդէն դառնապէս զղջում է, որ ժամանակին հայ յեղափոխականի կոչ ու յորդորներին արձագանքելու սեղձ՝ այնպէս չարաչար դաւաճանեց նրան...

VII

Յեղափոխութեան մի արարած

Թիւրքիան խմուում է.—ուր ամիս առաջ և այսօր.—էրգրում և Կասսանուէի.—Շախսի վերկիսի.—Արիւնահեղ յոնկում.—Յեղափոխութեան նախադրումը:

Այո, խորհրդաւոր, պատմական օրեր... Ռուսական մեծ Յեղափոխութիւնը ունենում է իր անխուսափելի անդրադարձումները ամբողջ մահմեդական արևելքի վրայ: Ժամանակը և համաշխարհային գոռ փոթորիկները իրենց գործն են տեսնում, մարտական լօզունգը հնչում է ամեն տեղ և անգամ դարերի խոր գիշերի մէջ նիրհող անշարժ մասսաները արձագանք են տալիս ուղիղ կոչներին:

Ո՞վ կարող էր կարծել, թէ սրանից 7—8 ամիս առաջ ունկեւած շարժումները էրզրումում, Կասսամուէիում և Տաճկաստանի ուրիշ կէտերում նախերգանքն էին ուրիշ, աւելի ցնցող անցքերի... Եւ սակայն այսօր դա իրողութիւն է, այսօր մենք կարող ենք ասել վստահութեամբ, որ Մեծ Մարդասպանի Կայսրութիւնը, հանդերձ «հաւատարիմ» թիւրք հպատակներով, գտնուում է յեղափոխական

մի կատարեալ խմորման մէջ... Իսկ Մարդասպանը ինքն ընկած է մահաւան հանգրւանի վրայ, գուցէ հոգեվարքում... Կարող էր նա, Երլըզլի այդ գոռոզ, արիւնարբու Ներօնը, երևակայել աւելի ցաւադին, աւելի արտասուելի մի վերջալոյս...

Եօթ-ութ ամիս սրանից առաջ թիւրք ժողովրդային յուզումները, մանաւանդ Կարինում, գրաւեցին ընդհանուր ուշադրութիւնը Երլըզլը ցնցեց, ինչպէս մի ահեղ անակնկալով բռնւած... բնակչէր սպասում: Բռնաւոր, աստուածպետական միապետութիւնը վաղուց ի վեր «մշակել էր» Մահմեդի երկրպագուների առանց այն էլ ինքերտ գէտակցութիւնը, վաղուց ի վեր քարոզել ու սովորեցրել էր մասսաներին, որ սուլթան-Սալիֆը Ալլահի երկրաւոր փոխանորդն է, սուրբ, ամենազօր, և որ նրա դէմ ըմբոստանալը անհանդուրժելի սրբապղծութիւն է:

Էլ մնաք բարեաւ դօզմաներ... նրանք խորտակեցին, օղբ ցնդեցին... Մասսան, այնուամենայնիւ, ըմբոստացաւ, երբ կարիքը եկաւ սղմեց նրա կողորդը:

Նոր տուրքեր էին սահմանուում, նոր բեռ էր տրուում ընդհանուր ազգաբնակչութեան վրայ, առանց այն էլ ճնշւած, ուժասպառ: Մուրացկան պետութիւնը դրամի պէտք ունէր: Չարդերի քաղաքականութիւնը և վամպիր-բիւրօկրատիան քամել էր, քամել երկրի հիւթերը. տասնհակ տարիների ընթացքում նա ուրիշ միջոց չի ունեցել պետական խարխուլ, անդամալոյծ մեքենան պահպանելու համար, նա երբէք չի մտածել շինարար աշխատանքով բարձրացնել երկրի արդիւնագործութիւնը, Ֆինանսական վիճակը, նա միշտ միայն ծանրացել ժողովրդի վրայ, օրինաւոր ու ապօրինի տուրքերով խեղդամահ է արել բըսան միլիօն ազգաբնակչութիւնը...

Քամիներ է ցանել Համիդի ըէժիմը և այժմ սկսում է փոթորիկ հնձել... Նոր տուրքերը, «շախսի վերկիսի» (անձնական տուրք) անուանով, լցրին դառնութեան ու համբերութեան բաժակը և դարաւոր ստրուկը երեբաց, ծառացաւ: Կազմեցին խմբեր մահմեդականների մէջ, սկսեց բուռն ազիտացիա, վճռեցին տուրքը չը վճարել: Էրզրումը շարժեց: Գործադուլ...

Ժողովրդական սկանաւոր դէմքերը—կղեր ու վաճառական—անցան շարժման գլուխ. խանութները փակեցին: Անցքերը արագ-արագ յաջորդեցին իրար: Ժողովուրդը հեռացրեց վալիին

(նահանգապետին), պաշտօնանկ արաւ ոստիկանապետին իր երկու վատթար ոստիկաններով:

Եւ խաղաղութիւնը վերահաստատեց, խանութները վերաբացւեցին:

Կը հանդուրժէր Երլզրզի բռնաւորը այդքան յանդուգն հարւածներ... Պօլսից անմիջապէս քննիչ յանձնաժողով զրկւեցաւ, որ և սկսեց «աշխատել»: Արտարուտ, Եւրօպային նա յայտարարեց, թէ շարժման գրգիռներ եղել են հայերը... յաւիտեհական քառութեան նոխազը... Յայտնի էր, սակայն, որ հայ տարրը բնաւ չէր մասնակցել մահմեդականութեան այդ անդրանիկ շարժման: Կան նոյնիսկ նշաններ, որոնք կարծել են տալիս, թէ տաճիկները միանդամախ խուսափել են հայի մասնակցութիւնից, լաւ իմանալով կառավարութեան ապագայում բռնելիք դիրքը...

Իսկ ներքուստ սուլթանական քննիչ յանձնաժողովը մանրագնսին ուսումնասիրում էր շարժման իսկական աղբիւրը, նրա հեղինակներին, պարագլուխներին: Եւ թուեաւոր զեկուցումներ էին ձամբւում գէպի Պօլիս...

Շուտով Կարին է ուղարկւում նոր վալի և ընտրւում է նոր ոստիկանապետ: Սրանք էլ շարունակուում են նախորդներին:

Անցնում են ամիսներ: «Շախսի վերկիսի-ի ինչդիրը մեռած էր թւում: Բայց իրօք Երլզրզը շարունակ նոր-նոր հնարքներ էր մտածում՝ պատժելու խիզախ ըմբոստացողներին:

Վերջապէս, հարւածը տեղաց: Հեռագիր Ստամբուլից—բռնել գիշերանց շարժման առաջնորդներին և զրկել մայրաքաղաք... Էրզրուժը նորից խլրտաց, ասես ուռւը պայթեց: Նոր յուզումներ, արիւնհեղութիւն, արդէն կատարեալ ապստամբութիւն... Թողնենք, սակայն, որ ազատագրական շարժման այդ ուշագրաւ էպիգոզը պատմէ ինքը «Ներկրի» թղթակիցը, իր անպաճոյճ ու ազդու լեզուով:

Կարին, 10 հոկտեմբեր, առաւօտուն կանուխ արթնանալիս գործադուլի լուրն ենք ստանում. տանը ամեն ոք, «խանութները գոցել են»—ասում են:

Օգն ամպամած է, գիշերն անձրև է եկել, գետինը թաց է, անձրևը շարունակուում է կաթկթել:

Դուրս եմ ելնում, իրաւ է. գործադուլը նորէն սկսել է, խուժանը խոնկել է «Կիւրճի Դափուսի»-ի զինւորական պահակա-

նոցի առջև. լուսթիւն է տիրում, բայց զայրոյթը կարգացւում է թիւրքերի դէմքին. ամեն ինչ խորհրդաւոր է:

Իմանում եմ պատճառը: Գիշերը Պօլիս են արտորել նախորդ գործադուլի վարիչներից մի քանիսին, որոնց մէջ է նաև Միւֆթին: Չարաշար են վարւել նրանց հետ, ընտանիքներից, անկողիններից են հանել նրանց՝ յանկարծ, առանց նախապէս լուր տալու:

Մի թիւրք պատմում է. «Սէր-քօմիսէր, Ալայի պէյ և փօլիսներ անարգել են Միւֆթիին, նրա բերանը թաշկինակ են կոխել, որ ձայն չը հանէ, շրթները մեքենայի մէջ են դրել. նրա ազջկանը վիրաւորել են, կնոջ մագերից բռնել և փողոցի ցեխերի մէջ են շպրտել և վերջապէս մերկ մերկ կառքը նստեցրել և արտորել են: Բայց ազագակից ժողովուրդը խոնկել է և երբ ուզել են սի չորբորդն էլ իր տանից դուրս բերել, սա կրակում է, մի զապթիյէ սպանում և ամբոխն այդ կողմ է վազում. ձերբակալողներ տեղի են տալիս, իսկ ամբոխն իր մարդերն է ուզում. նրան յաջողւում է հէնց քաղաքի փողոցներում հասնել մի կառքի ետևից. կտրել կառքի կաշիները և ազատել մի արտորեալը, իսկ Միւֆթին և ուրիշ երկու էլ առանձին սրբնթաց կառքերով հեռացրել են:

Ամբոխն անհամբեր սպասում է. տեսնում եմ դադաշներին մի խումբ՝ որ փողոցներում պտտում է. հասկանում եմ, որ կօմիտէի անդամներին հիստի են հրաւիրում:

Նիստը կատարւում է գալտնի և որոշումները կայացնում են այսպէս. պէտք է շուտով բանտարկել նահանգապետը և ստիպել, որ արտորեալներն յետ բերէ, սպանել Ալայի պէյ, Սէր-քօմիսէր և այն փօլիսները, որոնք Միւֆթին շարչարել են, արշալուսին խուժանի վրայ ատրճանակ են արձակել, երեք հոգի վիրաւորել և մի զինւոր սխալմամբ սպանել են:

Ամբոխի մասսան մեծանում է. պահականոցը պաշտպանելու համար զինւորների մի նոր խումբ է գալիս. երկու կողմից էլ ոչինչ շարժում չէ նկատուում: Ներկինքը հետզհետէ պարզւում է: Սուժանը մի սպասում ունի սակայն, նա գիտէ, որ իր փնտռածները պահականոցն են ապաստանել. բայց զինւորները թողնելու են որ իրանք կատարեն կօմիտէի որոշումները:

Փորձել հարկ է. ասացին և ներս խուժել սկսեցին. զօրքը մի թեթև զինավորութիւնից յետոյ ձամբայ բացաւ:

Ահա Սէր-քօմիսէրը, գադաշները նրա թևերից բռնած դուրս

են բերում. մի թիկնեղ մարդ է դա. ձերմակ կարճ մուրուքով. նա չէ էլ սպասում, որ իր կացութիւնն այնչափ ծանր լիսի. պիտի անարգեն, ծեծեն, մտածում է թերևս, բայց անա դարբնի սալի գործողութիւնը, հաստ փայտերն ելնում իջնում են:

Նա ընկաւ անշունչ և գետինը ներկեցաւ արնով: Ամբոխը ծափահարում է, ուրախութեան աղաղակներ են լսուում: Կոմիտէի անդամներից մէկը խուզարկում է նրա գրպանները և հանում է մի ցուցակ. դա արքայադրոշմի ցուցակն է. 60 անձի անուններ գրած են ցուցակում: Ամբոխը հայհոյում է:

Կարճ ժամանակից յետոյ դադաշները հեռանալ սկսեցին, հետևում են նրանց և կանգ առնում նահանգապետի տան առջև: Հոս էլ մեծ ամբոխ. զօրքը շրջապատել է նահանգապետի տունը դադաշները նորից վարանում են, բայց նորից փորձել հօրկ է և անա ձեռնարկեցին, ներս խուժել են ուզում:

Հրացանաձգութիւնն սկսեց մէկ — երկու... տաս քսան, սեֆ, դժւար է կացութիւնս. զինուորներն են կրակում. ամբոխը յետ է մղում, բայց անա նորից ոյժ առաւ նա և վրայ է յարձակում, զինուորների շարքը ճեղքեցաւ և ետ լսում եմ, որ մի զօրք ասում է. «ինչ՞ով փախչում էք, հօ մենք ձեր վրայ չենք կրակում, չէ՞ք տեսնում, մեր զնդակներն օդն են ելնում»:

Դադաշները շէնքից ներս են մտել անա դուրսից տան ապակիներն են ջարդում. նահանգապետը, յանկարծակիի եկած, հարեմն է փախչում և գաղտնի դռնից մի ուրիշ տուն է մտնում: Ամբոխըն աղաղակում է. «գաչտը, գաչտը», Յաղթական բոպէ է, զօրքըն անտարբեր դիտում է, անա դադաշները բռնեցին նահանգապետը, անտրգում են նրան, ապտակում են, գիտց արին է վազում:

Յաղթական թափօր է կազմում, նահանգապետը մօտակայ մղկիթն են առաջնորդում. ես մեկնելը խոհեմութիւն եմ համարում: Վարը պահականոցին առջև ամբոխը նորից կեցել է հանդարտ և լռին:

Որոշումները գործադրելու են, այո, և ականատեսները պատմում են. «Կէս օրւան մօտիկ ամբոխը նորէն պահականոցից ներս է խուժում, Սէր-քօմիսէրի աղանձ երկրորդ քօմիսէր թաքստոցից դուրս է բերում շէնքի բալքոնի վրայ և նորից սկսում է դարբնի գործը: Ամբոխն ուզում է, որ վար շարտան մարմինը, խընդրանքը կատարւում է և ամբոխը յօշոտում է տղու մարմինն էլ և երկու զիակները քով քովի է գնում»:

ժողովուրդը դայրացել է, Ալայի պէյն է ուզում, բայց չէ գրանում. նա լաւ պահուրտել է: Ահա տանիքների վրայ էլ մարդրե են ելել, փնտրում են հա փնտրում. անա նորից որս, բայց Ալայի պէյ չէ, մի փօլիս է դա. նորից գանակոծում է նորից գետինը ներկում է արիւնով:

Փողոցներում հանդարտութիւն է տիրում, ժողովրդական փօլիաները ձիերով ման են գալիս և դիտում են շուրջը. ժողովուրդը վստահ է, որ անկիւնները ոչինչ անկարգութիւն չէ լինելու:

Մի զարմանալի երևոյթ է սա. երկու անգամ է, որ գործադու է լինում, բայց ոչ մի անախորժ դէպք չէ պատահում ժողովրդի մէջ. հայերն և թուրքերը մոմ անց էղբար են անտնում:

Գնում եմ տեսնելու բանտարկեալ նահանգապետին. մղկիթի մի անկիւնը, գլուխը փաթաթեալ ծալապատիկ նստել է նա. դադաշները դուրսից ասում են. «վալի փաշա, եթէ արքայադրոշմները մինչև երեկոյ չը գան, քեզ էլ Սէր-քօմիսէրի պէս սատկեցնելու ենք»: Խեղճը զողում էր... Նա արդէն հեռագրով յը հրա անը յետ էր առել:

Իրիկնապահին լուր է հասնում, որ արքայադրոշմները պիտի դառնան. պատմում են, որ կօմիտէի կողմից զրկւած ձիաւորները ճամբան միացել են լազերի հետ, Աշ Գա էի մօտեր մի կուր են մղել պահապան զախթիաների դէմ, երկու կողմերըն է վերաւորներ են քնկնում և վերջը լազերի քաջութիւնն յաղթանակում է:

Իրիկուն լուսնեակ է. ամեն ոք դէպի քաղաքի դուռն է գնում. ես էլ գտում եմ և անա մի քիչ սպասումից յետոյ յաղթական թափօր է կազմում և արքայադրոշմները լոյսերով, կեցցէներով քաղաք են մտնում:

Միւլթիին ուրախ է, ժպտում է. օրհնում է ամենքին, դադաշներին և ալ մոռացել է, որ 18 ժամ առաջ իր շրթները մեքենայի մէջ էին դրել և ինքը կառքում մերկ զողում էր:

Միւլթիին տուն են առաջնորդում. վերաւոր աղջիկն ուրախանում է. նահանգապետն ազատ արձակում են և նրա հարէմը մի քիչ հանգստանում է: Արձակիլիս նահանգապետին ասում են «գնա, մի անգամ էլ այսպէս մի վարելի, էլ քեզ հետ գործ չունենք»:

Մուլթ գիշեր է, մտածում եմ: Անշուշտ պատմալիս մի մ զէար համարելու է սա. հարկաւ վերջը լաւ լինելու է. դժւարն սկսելն էր. ալ տարակոյս չը կայ, որ ամբոխն էլ կարճ ժամանակից յետոյ կրկնելու է թուրք գրագէտի խօսքը:

«Եէր է կէչսեն խթիպտանտ».—Թող գեաին անցնի բոնապետութիւն:

«Քէճօ ոլտուն Համիդ».—Թող կուրանայ Համիդ: Եալասն հուրրիյեթ.—կեցցէ՛ ազատութիւն...

VIII

Այսօր եւ վաղը

Սուրբաբի մօտալուս վախճանը.—Ի՞նչ կը լինի յետոյ.—Երկու կնիստներ եւրոպ. դիպլոմատիայի առաջ.—Աւստրիա եւ Տաւ-կաստան.—Թիւրք բունապետական հուրիւնը.—Անքումուլի անա-խիան.—Կենդրոնախոյս ձգտումներ եւ ոչ մի եղոյ միջազգայնու-րեան.—Հայ-մանկեղանի համերաշխութիւն.—«Նոր մեքօսը».—Տ. Յ. Դաշնակցութիւնը եւ երիտասարդ Թիւրքիան.—Վաղան սուր-բանը եւ բիւսօրիստական փարսժ մեխանիզմը.—Not mesures, but men!.—Ինքնավարութիւն, քե սնկամահասում.—Յեղեղացիայի գա-ղափարը:

Արդիւլ Համիդը մեռնում է...

Այդպէս են վկայում գերմանական և ֆրանսիական ազդիւր-ներից բոլոր ամենախրազեկ հաղորդագրութիւնները: Հիւանդու-թիւնը ամիսների հարց է:

Այն մարդը, որ 1878 թւականից ի վեր, ամբողջ 28 տարի շարունակ պահել է իր ձեռքում Օսմանեան լայնածաւալ ու բազ-մատարր կայսրութեան ղեկը, և որ այնքան յուժգնօրէն, այնքան որոշակի դրել է այդ ղեկավարութեան վրայ իր սուրբեկտիվ, ան-հատական գրօշմը,—այդ մարդը այսօր ընկած է, վերջապէս մահ-ւան հանգրեանի վրայ:

Վաթսուն ու չորս տարւայ կեանք, որի զրեթէ կէսը—մի կատարեալ դժօխը... Միշտ հալածող և միշտ հալածական: Մահու անարգ մանգաղը երբէք չընկաւ նրա ոսկրացած ձեռքերից և նա ինքն իրան երբէք ազատ չը դգաց սե, մահարեր ուրւականներից մտացածին ու իրական իր դժոխային շրջապատում: Մշտնջենա-կան կասկածներ, հողեհիւանդի զառանցանքներ ու ցնցումներ, խելագարի բառանչիւն ու մանչիւններ, վրիժառութեան ահարկու թափեր, յաւիտենական մեքենայութիւններ՝ իր շուրջը վիստացող երևակայական ոտխների ղէմ, մի սոսկալի, հալածողական մանրիա...

Եւ դարձեալ անսովոր երկարակեցութիւն: Դիւրին բան չէ

64 տարին ըողորել այդպիսի հրէշաւոր պայմաններում: Աւելաց-լէք և արեւելեան դեսպոտներին յատուկ կենցաղը, հարեմական կազմալուծող մթնոլորտը և այլն:

Վերջալոյս... Բանի՛ քանիսներն են անձկութեամբ սպասել այդ կազդուրիչ վերջալոյսին... Եթէ յեղափոխական Նէմէզդիդան իր դիւային հանճարով, իր անօրինակ հնարագիտութեամբ չը կա-րողացաւ փութացնել ժամը այդ վաղուց սպասւած վերջալոյսի—փոյթ չէ, թող բնութիւնը ինքը արշաւէ մի յանցաւոր գոյութեան՝ զէմ, որի խղճի վրայ կուտակւած են այնքան ոճիրներ, որի անու-նը նողկանք է շարժում ամբողջ քաղաքակիրթ աշխարհի մէջ... Միայն թէ շո՛ւտ, միայն թէ բնութեան այդ բաղձալի հարւածը տեղայ շեշտակի, անողօք, սպանիչ: Բանի՛ շրթունքներ են մըմըն-ջում այդպէս...

Ժողովուրդների ուսմկական տրամաբանութիւնը Արդիւլ Հա-միդի անձի մէջ է տեսնում բոլոր պատուհասների ազդիւր-պատ-ճառը: Եւ երևակայում է, թէ նրա չքանալով, արդարութիւնն ու խաղաղութիւնը պէտք է թագաւորեն: Հին, տարածւած նախա-պաշարմունք: Ճշմարտութեան բաժին կայ, անշուշտ: Վեհապետ-ները, մանաւանդ նրանք, որոնք ալտիվ մասնակցութիւն են առ-նում պետական կնճոտ մեխանիզմը վարելու գործում, իրենց ան-հատական այս կամ այն յատկութեամբ անդրադառնում են երկրի կառավարութեան վրայ, նրա դրական և բացասական հետեանք-ների վրայ:

Եւս առաւել այդ միտքը ճիշտ է Արդիւլ-Համիդի անձնաւո-րութեան նկատմամբ:

Շատ քչերն են աշխարհիս վեհապետներից այնքան տենդով, այնքան կատաղի շահախնդրութեամբ միջամտել—և այն՝ ամեն օր, ամեն վայրկեան—պետական գործերին և այնքան թափով հա-ղորդել են միմիտրական ամեն տեսակ կարգադրութիւններին ի-րենց անձնական համակրանքն ու հակակրանքը:

Եւ, այնուամենայնիւ, չի կարելի ասել, թէ Արդիւլ-Համիդը միակ ճնշող ու միահեծան տէրն է իր ընդարձակ կայսրութեան, թէ նա Լուզօվիկոս XIV-ի պէս ամբողջ պետութեան անձնաւորումն էր (L'Etat, c' est moi!) և թէ նրա մահով, ուրիշ վեհապետ գահա-կալելով՝ դրութիւնը հիմնապէս կը փոխուի:

Որքան բազմաթիւ, մանր ու խոշոր Համիդներ կան այդ տա-րբախտ միջավայրում—աշխարհապետներ, վալիներ, փաշաներ

ու գայմագամներ—որոնց միաբան ու արիւնուշտ գործակցութեամբ առաջ եկաւ տիեզերական սասանեցուցիչ դրամաներից մէկը...

Ի՞նչ է սպասում վաղը Տաճկաստանին:

IX

Երկու խոշոր ու ցաւոտ պրօբլեմներ են դրւած այսօր միջազգային դիւանագիտութեան առջև: Աւստրիայի եւ Տաճկաստանի վաղուան հաւանական վիճակի խնդիրներն են դրանք:

Երկու պետութիւններ—երկուսն էլ կազմւած բազմացեղ, բազմակրօն եւ այլաբարբառ ժողովուրդներից, երկուսն էլ հարուստ՝ կենտրոնախոյս ձգտումներով եւ պայթուցիկ նիւթերով: Երկու վեհապետներ—երկուսն էլ զառամեալ, մերձիմաս: Մէկը, Ֆրանց-Յօզէֆ, կատողացել է մինչև օրս սանձահարել այդ կենտրոնախոյս ձգտումները, շնորհիւ մասամբ իր անձնական ժողովրդականութեան: Միւսը՝ Արդիւլ-Համիդ՝ պահպանել է իր կայսրութեան թոյլ ու խախուտ ամբողջութիւնը, շնորհիւ միմիայն պետութիւնների մրցակցութեան, նրանց շահերի հակամարտութեան:

Եւ երկու պետութիւնների ճակատագիրն էլ մօտիկ ապագայում թուում է չափազանց առեղծւածային:

Անորոշութեան քօղով պատած է մանաւանդ վաղւան Տաճկաստանը...

Ի՞նչ կը լինի արդեօք Արդիւլ-Համիդի մահից յետոյ, ի՞նչ փոփոխութիւն կարող է մտնել տաճկահպատակ ազգերի կեանքում: Ինչ փոփոխութիւն...

Արդէն ինքնին մի շատ խոշոր փոփոխութիւն կը լինի սուլթան-մարդասպանի չքացումը: Մի քիչ արդէն ազատ կը շնչեն այդ բազմատանջ ժողովուրդները, որոնց վրայ տասնեակ տարիներից ի վեր կապարի պէս ծանրացած է այդ թագակիր-ոճրագործի լուծը: Յոյսի, միտիթարութեան մի հօր ճառագայթ կանցնի մշտական սպանդանոցների, արեան ու աւերածի երկրի վրայից:

Ով որ էլ լինի յաջորդ գահակալը, նա չի կարող լինել Արդիւլ-Համիդ, չի կարող հեռեւել թալանի եւ սպանութեան նրա քաղաքականութեան: Դա կը լինի մի հողերանական եւ սօցիալական անկարելիութիւն: Ով որ էլ լինի յաջորդ սուլթանը՝ չի կարող խօյս տալ ժամանակի հրամայողական պահանջներից, չի

կարող չը ձգտել փոքր ի շատէ եւրօպականացնելու ասիական բարբարոսութեան բէժիմը, վերջ տալու սիստեմատիկ բնաջնջման մեթօդին, հաստատելու մի տանկի իրաւակարգ, դուրս բերելու երկիրը դէպի խաղաղ ու նօրմալ զարգացման ճանապարհը:

Դա մի «կատէգօրիկ իմպերատիվ» կը լինի վաղւան խալիֆի համար, մի վճռական հրամայական:

Այո, բայց ինչպէ՞ս կիրագործէ նա, ինչպէ՞ս նա կը մտցնէ նոր, եւրօպականացնող հոսանք, ինչպէ՞ս նա կը խղէ այն փթած, ժանդոտած պետական մեխանիզմի հետ, որ թիւրքիայի ամենաէական ատրիբուտն է եղել, նրա տիրապետող յատկանիշը:

Կը կարողանայ վաղւան սուլթանը առանց դրսի միջամտութեան, իր սեփական նախաձեռնութեամբ սկսել թիւրքիայում մի նոր դարադրուիս—բէֆօրմների, եւրօպականացման, քաղաքական վերակազմութեան դարադրուիսը:

Եւ հնարաւոր է արդեօք պահպանել օսմանեան կայսրութեան ամբողջութիւնը, առանց զարնելու անյաղթելի խոչընդոտների, առանց վտանգելու այլազան տարրերի նօրմալ, բնականոն առաջադիմութիւնը: Ահա կհնուտ, ցաւատանջ հարցեր, որոնք ցցւած են ժամանակակից դիւանագիտութեան առջև:

Աւստրիան շատ աւելի բարեյաջող կացութեան մէջ է: Ծիշտ է, այնտեղ եւս դեռ շատ ուժեղ են կենտրոնախոյս ձգտումները, ազգային մրցումն ու թշնամութիւնը, որ, անտարակոյս, գուշակել է տալիս ծանր բոպէսներ մերձաւոր ապագայի համար, երբ այլևս չի լինի բոլորին կապող, միաւորող օղակը, Ֆրանց Յօզէֆը...

Բայց դրա հետ միասին կայ մի բարեբախտ, նպաստաւոր գործօն, կայ աւստրիական մէկ միացեալ, սօցիալիստական կուսակցութիւնը, որը կապում է Ֆէդերատիւ, դաշնակցական կապերով բոլոր այլազան ազգութիւններին—գերմանացոց եւ չեխերին, բուսիններին եւ լեհերին, բուլղարներին եւ հրէաներին եւ այլն—մէկ, միացեալ ու միջազգային կուսակցութեան մէջ, որ չի ճանաչում ազգայնական որևէ առանձնաշորհում ու գերիշխանութիւն, որ հիմնւած է բոլոր ազգերի աշխատուոր դասակարգերի, նրանց շահերի միութեան, ներդաշնակութեան վրայ, մի կուսակցութիւն, որ ունի արդէն իր ներկայացուցչութիւնը կենտրոնական օրէնսդիր հաստատութեան մէջ, Պարլամենտում, եւ որը բաւականաչափ ուժեղ լինելով, իր թուով ու որակով, իր տրամագրելի մասսաներով՝

սկսում է արդէն գործ դնել իր ազդեցութիւնը պետութեան ներքին քաղաքականութեան վրայ:

Նա ունի իր յստակ ազգայնական ծրագիրը, նա այժմից արդէն նախագծում է վաղւան Աւստրիան իր խայտաբղէտ տարրերով, իբրև ֆէդերատիւ, դաշնակցական և անբաժանելի մի մարմին; որ ընդունակ կը լինի դիմադրելու պանդերմանիզմի նւաճողական տենչանքներին, ինչպէս և ամեն տեսակ արտաքին արշաւանքներին. մի մարմին՝ որի իւրաքանչիւր անդամ—ազգը կը վայելէ լիակատար անկախութիւն՝ իր հոգևոր-կուլտուրական ճակատագիրը տնօրինելու մէջ և ուր բոլոր անդամները, այժմեան ցեղերը առաջ կը տանեն ներդաշնակ գործակցութեամբ պետական ընդհանուր առաջադիմութեան ու բարգաւաճման գործը:

Եւ աւստրիական սօցիալիստական կուսակցութիւնը այսօր արդէն իրականացրել է ֆէդէրացիայի մեծ սկզբունքը իր կազմակերպութեան ձևի մէջ. այժմից արդէն նա գործում է իր մշակած ազգայնական ծրագրի ուղղութեամբ:

Որքան տարբեր է պատկերը Տաճկաստանում... Այնտեղ, դժբախտաբար, հետքն անգամ չը կայ միջազգայնութեան որևէ ձևի, ինտերնացիօնալիզմի գէթ ամենազգուշն արտայայտութեան: Քիւրդ, հայ, տաճիկ, ասորի, արաբ, ալբան, չէրքէզ, լազ, սիւրիացի, բուլգար, սլովէն, յոյն, սերբ և այլն և այլն,—որքան տարբեր՝ այնքան կենտրոնախոյս թուիչքներ, այնքան շփման ու անտագոնիզմի կէտեր:

Եւ հոգեկան ու մտաւոր՝ ոչ մի նմանութիւն. կուլտուրական շահերի՝ ոչ մի ընդհանրութիւն: Մի մասն արդէն՝ հազորդակից բարձր արևմտեան քաղաքակրթութեան, միւսը՝ գեռ սարուկ կիսավայրենի կոպիտ բարքերի:

Ի՞նչ բէթիմ կարող կը լինէր հաշտեցնել նրանց... Հայը մինչև օրս գրեթէ միակ տարրն է, որ համերաշխութեան քարոզ էր խօսում այդ դարհուրելի Բաբելոնում, առանց—աւանդ—արձագանք գտնելու:

Ուշագրաւ հանգամանք: Այսօր հայ-մահմեդական համերաշխութեան մասին գրում են յաճախ կովկասեան հայ օրդաններում և «Դաշնակցութեան» զէմ բարձրացած վայնասունի մէջ պարզ հընչում է մի մեղադրանք, այն՝ որ իբր հայ յեղափոխականները մինչև օրս արհամարհել են այդ համերաշխութիւնը, չեն աշխատել նրա

համար, եղել են նեղ, տարամերժ ազգայնական, նացիօնալիստ, և իրանք, այդ սրտացաւ գանգատաւորները, մի մեծ գիւտ անողի տրամադրութեամբ «նոր մեթօդ» են առաջարկում թիւրքահայ ինդրի լուծման համար: Եւ «Մէշվերէթի» Ահմէդ Րիզան, այդ «իսկական տաճիկ մարդը», ծափահարում է Պարիզից, իբր թէ երբէք նա չի լսել այդ մեթօդի մասին, իբր թէ նա քիչ է լսել համերաշխ կուլի ծանուցումներ հէնց Հ. Յ. Դաշնակցութիւնից...

«Նոր», բոլորովին նոր ճանապարհ են բաց անում մեր հայրենակիցները, նոր հօրեղօններ, նոր դարագլուխ:

Ասես ոչինչ չի կատարւած իրենցից առաջ: Ոչ մի փորձ, ոչ մի ճիգ ու ծրագիր:

Նոր մեթօդ, համերաշխութեան պրօպագանդ: Դաշնակցութիւնը չէ, որ 10 տարուց ի վեր նոյն այդ համերաշխութեան քարոզն է հնչեցնում: Դաշնակցութիւնը չէ, որ 10 տարուց ի վեր համերաշխ գործակցութեան բանակցութիւններ է վարում Երիտասարդ կոչւած թիւրքիայի հետ, ծրագիրներ մշակում և—միշտ ապարդիւն, միշտ անաջողակ... Ո՞ւմ յանցանք... Դաշնակցութեան օրդանը չէ, որ չը նայած իրականութեան դաժան դասերին, չը նայած մահմեդական Փանատիկոսութեան հասցրած ահուկի աւերածներին, քարոզել է միշտ հայ ու մահմեդական տարբերի մերձեցում, հոշակել է միշտ թիւրք կառավարութեան մեղսակցութիւնը, արդարացրել է միշտ թիւրք ժողովրդին—թէ Եւրօպայի, թէ հայութեան առջև...

«Նոր մեթօդը» նոյնքան հին է, որքան ինքը Դաշնակցութիւնը: Հայ-տաճիկական, հայ-քրդական մերձեցման գաղափարը եղել է Դաշնակցութեան տենչանքներից միւրը: Նա քարոզել է և գործադրել է: Նա գործադրել է խիստ սահմանափակ ծաւալով, անշուշտ: Հայ յեղափոխականների համերաշխութեան յորգորներին պատասխանել են յաճախ անմիտ պրօփօկացիաներով, նուրբ ու զժնդակ բարբարոսութիւններով: Նրանց թուրքիկները արհամարհել են, նրանց գործակալներին, քարոզիչներին դիմաւորել են պաղ ու անսիրտ անտարբերութեամբ...

Եւ նրանք դարձեալ չեն վհատել: Նրանք դարձեալ շարունակել են համերաշխութեան ու եղբայրութեան քարոզը լսեցնել—հայերէն, տաճիկերէն ու արաբերէն հրատարակութիւններով, թրուցիկներով—յուսալով, որ մի օր, վերջապէս, խեղճի կը գան այդ

բիրտ, ինքնու մասսաները, որոնցից տակաւին բուրում է նախապատմութիւն ու վայրենութիւն:

1896-ի աշնանն էր, որ առաջին անգամը «Դրօշակի» խմբագրութիւնը մտաւ կանոնաւոր յարաբերութեան մէջ՝ Երիտասարդ Թիւրքիայի ահանաւոր ներկայացուցիչներէ հետ: Երկու կողմերն էլ խիստ գոհ էին այդ մերձեցումից. Թիւրքերը հրապուրւած էին նոր կատարւած Բանկ Օտտոմանի գրամայով և չափազանց մեծ համարում ունէին մեր կազմակերպութեան ուժերի մասին, իսկ հայերը գիտէին միայն, որ բանակցողը, Երիտասարդ Թիւրքիան, ահագին պրեստիժ էր վայելում Արևմուտքում, 1878-ի Սամսոնուկեան ողբերգութիւնից յետոյ: Հայերը չը գիտէին, որ այդ պրեստիժը, այդ խիստ տարածւած, չափազանցուած հուշակը մի պատրանք էր միայն:

Այդ պատրանքն էր, որ շուտով բացւեց Գաշակցութեան առաջ, սկսեց մի անարժան կատակերգութիւն: Բանակցութիւններ բանակցութիւնների ետեից: Եւ ոչ մի արդիւնք: Հիւմիներ, Տունալիներ, Հասան բէգեր, Սիւքիւթիներ—մաշկեցին «Դրօշակի» խմբագրատան շէմքը իւրաքանչիւրը իր մշակած ծրագիրը բերաւ, իր տակտիկը, կուի լօղունդները: Առանց, սակայն, կուի պատրաստութեան: Առանց կուելու ամենաչնչին ցանկութեան: Որքան ժամանակ ու միջոց վատնեց, որքան թուղթ ու մեղան գնաց: Բանակցողներն անդրդուելի էին: Շատ համարձակ՝ երբ հարկաւոր էր ծրագիրներ առաջադրել, բայց ազիկար և թուլամորթ՝ երբ պէտք էր իրագործել նրանց:

Ամեն անգամ, երբ հայ բանակցողները գնում էին վճռական, ցաւատանջ պահանջը, որ անհրաժեշտ է նախ և առաջ թէ թէլուած տապալել տիրող համիրիական բէժիմը—Երիտասարդ Թիւրքիայի ներկայացուցիչները առաջ էին նետում ծրագրական խընդիրներ, օտտոմանութիւն, պան-տաճկութիւն, Միթհատեան սահմանադրութիւն և այլն և այլն, կամ թէ վերջապէս ընդունում էին հայերի կօնկրեա ու բանաւոր առաջարկը, առանց սակայն, աննելու իրենց վրայ գործնական որ և է քայլ անելու պարտաւորութիւնը:

Եւ գաշակցականները եկան այն տխուր ու կսկծալի եզրակացութեան, որ նրանք գործ ունեն մի էապէս հակայեղափոխական համախմբման հետ:

Յետագայ փորձերը միշտ աւելի ու աւելի ամբաստանեցին

այդ համոզումը: Կօնգրէս էլ գումարեց, հաւաքեցին Պարիզում զանազան տարրեր—մահմէդական ու քրիստոնեայ—արծարծեցին բոլոր հարցերը, գաշակցականները այդտեղ ևս դրին իրենց կօնկրեա առաջարկը՝ դիմել գործի անմիջապէս ու միահամուռ ջանքերով—դիմել գործի՝ ընդհանուր թշնամուն, սուլթանականութիւնը տապալելու համար: Բայց այդ հէտերօժէն համախմբումից էլ ոչինչ չեղաւ, հայ պատգամաւորները զգացին իրանց՝ պաղ, սառցային մի միջավայրում... Բիզանիքը երևան հանեցին նեղ տաճկական շօվինիզմ. մակեդոնացուն նրանք չէին ուզում ճանաչել իբրև մակեդոնացի, հայից պահանջում էին ջնջել, մոռանալ 61-րդ յօդածը և դառնալ օսմանցի, ձգտել հեռու, անորոշ ապագայում գալիք տաճկական սահմանադրութեան: Իսկ հայ պատգամաւորները չէին համաձայնուում թեթի սրտով բնաջինջ անել միջազգային դաշնագրութիւնների իրաւական դօկումենտները, որոնք իրաւունք և պարտաւորութիւն էին դնում Եւրօպայի վրայ՝ միջամտելու թշառ, մորթուող տաճկահայի ճակատագրի մէջ և որոնք, բացի այդ, սլըբագործւած էին հարիւր հազար նահատակների արիւնով... Կօնգրէսն էլ վիժեց, ինչպէս վիժել էին բոլոր բազմաթիւ բանակցութիւնները: Երիտասարդ Թիւրքիան ցոյց տւեց իրան ծոյլ ու անդոյն, անշարժ, ինքնու մասսան. սա քաղաքական մանուկների, կարիերիստների սի համախմբումն էր, անբուժելի, զուրկ յեղափոխական տեմպերամենտից, զուրկ դադափարակաճ ամեն շաղախից:

Եւ կարիերիստների «ոգևորութիւնն» էլ վաղանցուկ եղաւ: Նրանք համարեա բոլորն էլ, սուլթանական խոստումներով հրապուրւած, չաղ պաշտօնների հոտն առնելով, բռնեցին Պօլսի ճանապարհը, վերադարձան համիրիականների բանակը...

Գիտենք, անշուշտ, որ կարող են լինել և շատ յարգելի ու գաղափարական անհատներ նոյնիսկ այդ «Երիտասարդ Թիւրքիայի» մէջ թէ կենտրոններում, թէ գաւառներում, թէ քաղաքներում: Բայց դրանք էլ սոսկ անհատներ են, որոնք հեռու բատեղեքում: Բայց դրանք էլ իրական յեղափոխական գործ չեն են եղել մասսաներից և ոչ մի իրական յեղափոխական պայկատարել, չը նայած այնքան, համեմատաբար, նպատաւոր պայկատարել, որոնց մէջ գտնուել են նրանք, իբրև Թիւրք տարր: Գիտենք և այն՝ որ այսօր հանդէս է եկել իշխան Սէրասէդ-դինի ղեկավարութեամբ մի նոր հոսանք, որը քարոզում է իր դինի ղեկավարութեամբ մի նոր գաղափարներ—համերաշխութիւն քրիստօրգանի միջոցով նոր գաղափարներ:

հեաների հետ, ապակենտրոնացման, ֆէզերացիայի սկզբունք և այլն: Բայց նա էլ խիստ կարճատև կեանք ունի և մենք չը գիտենք, թէ ինչ դուրս կը գայ նրանից ապագայում: Դառն փորձերն են, որ սովորեցրել են մեզ սկեպտիկ լինել: Հայ յեղափոխականը ծափահարել է միշտ, ողջունել է միշտ և ցնծութեան ազադակ է հանել ամեն մի թռուցիկի ու յողածի առթիւ, որ հրատարակել է օսմանեան երիտասարդ թիւրքերի կողմից. բայց այդ ցնծութիւնը կարճատև է եղել, նա միշտ փոխարկել է ամենագան յուսախաբութեան:...

Իսկ ի՞նչ է ներկայացնում այն խորհրդաւոր ուժը, որ առաջ բերեց վերջին ժամանակ թիւրք ժողովրդական յայտնի յուզումները Տաճկաստանում և որը կարող էր թերևս դեռ խաղալ վաղւան թիւրքիայի կազմակերպման գործում:...

*
**

Ի՞նչ են այդ նոր բռնկւած շարժումները Տաճկաստանում, մասսային ցոյցերը էրզրումում, Կաստամունիում և ուրիշ տեղերում:

Ո՞ր աստիճան նրանք, այսպէս ասած, տարեբային են և որ աստիճան կազմակերպւած. կան առաջնորդներ, կայ ղեկավարող մտաւորականութիւն... Այդ էլ, դժբախտաբար, խիստ առեղծաձային է, պատած մշուշի ու խորհրդաւորութեան թանձր քողով:

Գիտենք միայն, որ դա յամենայն դէպս զուտ մահմէդական մի շարժում էր, տաճիկ-ամբոխային մի շարժում, որ բոնկեց բոլորովին յանկարծակի, առանց որևէ օտար տարրի մասնակցութեան կամ աջակցութեան, և որը բացարձակ ըմբոստացումն էր սուլթանական բիւրօկրատիայի դէմ, տուրքերի ծանրութեան դէմ, պաշտօնեաների սանձարձակ կեղեքումների դէմ:

Ուզում ենք հաւատալ, որ ինտելիգենտ, գիտակից միտքը ունեցել է իր բաժին դերը այդ անակնկալ խլրտման գործում: Ուզում ենք ընդունել, որ ճիշտ են տարածւած շուրկները՝ թէ յուզումների ընթացքում մահմեդականները համերաշխութեան ծանուցումներ են արել հայերին:...

Կուզէինք հաւատալ, մի խօսքով, որ կայ այժմից հրապարակի վրայ մի նոր Նրիտասարգ Թիւրքիա, տարբեր նախկինից, աւելի ձեռնհաս, աւելի կորովի ու գաղափարական և, որ գլխաւորն է՝

սողորւած յարգանքի ու համերաշխութեան զգացումներով՝ դէպի «գեալուրները»...

Միմիայն այդ ոյժն է, իսկապէս, որ կարող էր, հետզհետէ լայնանալով ու հող բռնելով, մաքառել աջողութեամբ ներքին ու արտաքին կազմալուծող հոսանքների դէմ և անխախտ պահել Տաճկաստանի ամբողջութիւնը: Առանց այդ անհրաժեշտ գործօնի, առանց մի նոր, յեղափոխական ու քաղաքացիական գիտակցութեան հասած երիտասարդ թիւրքիայի՝ Օսմանեան կայսրութեան վիճակը, նրա ամբողջութեան դաւանանքը լինելու է միշտ խախուտ, երերուն, ենթակայ ամեն տեսակ պատահարների:

Եթէ ժառանգական ու այլ կնճիռները հարթելուց յետոյ՝ խալիֆական գահ բարձրանայ par impossible մի լաւ սուլթան, ներշնչւած յուսաւոր գաղափարներով, նա անկարող կը լինի կառավարել բովանդակ երկիրը արգարութեամբ ու խաղաղութեամբ: «Լուսաւորեալ բռնապետութիւնների» ժամանակը անցած է արդէն, նրանք անկայուն, անհնարին կը լինին մասնաւորապէս Տաճկաստանում: Կայսրութիւնը իր ամբողջ կազմով ապրում է կէս-հնադարեան, կէս-միջնադարեան պայմաններ: Տնտեսական կեանքը, որ խթան է հասարակական ընդհանուր առաջադիմութեան՝ կատարելապէս անդամալուծւած է. երկրի մեծագոյն մասը դեռ համարեա բնական տնտեսութեան շրջանն է ապրում: Առևտրական կապիտալն անգամ կաշկանդւած է, չը կայ նոյնիսկ վաճառական գասակարգ — սէժիմը հնձել է, անողորմ կերպով ցածաբեցրել կեանքի բոլոր աղբիւրները:

Դրա հետ միասին պետութեան ամբողջ մեխանիզմը, օրէնսդրութիւնը, արմինխարացիան, դատաւարութիւնը—փտած ծայրէ ծայր... Արդիւնաբերութեան ու առևտրի իսպառ բացակայութեան շնորհիւ—մշտնջենական ֆինանսական տագնապ... Եւ բիւրօկրատիան—գայլերի ու բորենիների մի հսկայական վոճմակ, որ անյազ ծծում է ժողովուրդների արիւն-աշխատանքը, քայքայում է նրանց տնտեսութիւնը, առանց երբէք հոգ տանելու նրանց մասին, դէթ իբրև կաթնատու կովերի:

Այդտեղ է խոր, արիւնահոս վէրքը:

Սպանդանոցները, մասսային ջարդերը կարող են դադարել և կը դադարեն: Բայց կազմակերպւած թալանը կը շարունակւի, իբրև տնտեսական և քաղաքական մի ֆատալ անհրաժեշտութիւն. ժողովուրդները կը շարունակեն արիւնաքամ լինել բրօնիկական

դարձած սովից, մերկ ու կիսաքաղց վիճակից: Այդտեղ է, որ դարման պիտի գտնել:

Ո՞վ է դարմանողը...

Վաղևան սուլթանը, որքան էլ նա անհատապէս տոգորւած լինի բարենորոգչական տրամադրութիւններով, շատ քիչ բան կը կարողանայ անել այդ ուղղութեամբ: Աւելին կասենք. եթէ անգամ—ինչպէս լուր է պտտում եւրօպական մասուլի մէջ—Երիտասարդ թիւրքերը աջողեն իրենց ձեռքը ձգել վաղևան կառավարութեան դէկը և գահ նստեցնել մի սահմանադրական—միթնադեան սուլթան,—դարձեալ շատ քիչ յոյս է մնում, որ թիւրք կայսրութիւնը կարողանայ բարենորոգել ի շահ և ի երջանկութիւն բոլոր հպատակ ժողովուրդները:

«Հիւանդ մարդը»—անյոյս հիւանդ է... և նրան բժշկելու համար թերևս պէտք է լինի օտար բժիշկները միջամտութեան...

Երկրի հիմնական, արմատական վերանորոգութեան խնդիր է դրւած: Պէտք է համարեալ նորից կեանք ստեղծել,—աշխատանք, առևտուր, արդիւնագործութիւն. պէտք է ստեղծել նոր իրաւակարգ, դատաստանական և գործադիր նոր ֆունկցիաներ, պէտք է ստեղծել նոր պաշտօնէութիւն, նոր օրէնսդրութիւն...

Ո՞վ պիտի ստեղծէ, ինչպէ՞ս պիտի ստեղծէ: Ո՞ւր են դրա համար անհրաժեշտ գործօնները: Ո՞ւր են մարդիկ...

Օրէնքները կարող են գրւել: Վաղևան սուլթանը կամ թէական պարլամենտը կարող են հրատարակել մի շարք մօզերն, համակրելի օրէնքներ, բայց ի՞նչ արժէք կունենան նրանք: Ո՞վ չը դիտէ, որ տաճկական օրինագրքերի մէջ կան շատ համակրելի, միանգամայն ժամանակակից յօդւածներ, օրէնքներ ազգերի ու կրօնների հաւասարութեան մասին և այլն: Բայց երբ են նրանք գործադրւել... Մի երկրի օրինաւորութեան ու արդարութեան չափը որոշուած է ոչ թէ գոյութիւն ունեցող օրէնքներով, այլ այն գործադրութեամբ, որ այդ օրէնքները ստանում են:

Մարդիկ են հարկաւոր... Not mesures, but men!—ասել է անմահ Գլադստօն, Տաճկաստանի բարենորոգման մասին խօսելիս. «Ո՞չ միջոցներ, այլ մարդիկ»...

Եւ հէնց այդ մարդիկն են, որ պակասում են տաճկական իրականութեան մէջ, ուր շարիաթը, դարաւոր բարքերը, ցեղակրօնական աննպաստ պայմանները, մի շարք ծանր տորկանտութիւն-

ներ կաշկանդել են մտաւոր-կուլտուրական ամեն մի թռիչք, անհատական ամեն ինիցիատիվ...

Մարդիկ են հարկաւոր...

Կը գտնւին արդեօք տաճկական սահմանադրականների մէջ բաւականաչափ այդպիսի մարդիկ, որոնք կարողանան արգար ու խելացի քաղաքականութեամբ կապել, շողկապել բոլոր այլազան ազգութիւնները... Աւելի ստոյգը, հաւանականը է այն չէ, որ այդ պրօբլեմատիկ սահմանադրութիւնը իր տանկական գերիշխանութեամբ կը դառնայ մի նոր ճնշիչ մեքենայ ժողովուրդների համար, որ նրան երբէք տևողաբար չեն հպատակել ոչ մակեդօնացիք, ոչ արաբները, ոչ հայերը, ոչ ալբանները:

Ահա մի շարք խիստ կարգինալ հանգամանքներ, որոնք չափազանց առեղծւածային են դարձնում Տաճկաստանի առաջիկայ կերպարանաւորման խնդիրը: Արդեօք «Հիւանդ մարդը» պիտի կարողանայ շարունակել ինքնուրոյն գոյութիւն, թէ՞ նորից գեւովուր-ուժերը պիտի գան կանգնեն նրա մահճի մօտ, Գօրչակօվի արձակած լօզունգով. Autonomie ou anatomie! (Ինքնավարութիւն կամ անդամահատութիւն)...

Անշուշտ, ազգերի աւտօնօմիայի իրագործումը Ֆէդէրատիւ Տաճկաստանում՝ լաւագոյն միջոցը կըլինէր ազատելու տաճկական կայսրութիւնը վերջնական անդամահատութիւնից, տարրալուծումից, արտաքին ուժերի «կլանողական» ախորժակներից:


Տաս տարուց իվեր Հ. Յ. Դաշնակցութիւնը քարոզում է այդ գազափարը իր հրատարակութիւնների մէջ, իբրև իր հիմնական քաղաքական credo-ն, որ նա ուզում է իրագործել նոյնիսկ «ճայկական վիլայէթները» սահմանափակ շրջանում, և որ այսօր նա առաջադրում է նաև Ռուսաստանում:

Տարաբախտաբար, շատ քչերն են ականջ դրել Դաշնակցութեան յորդորներին, և մասնաւորապէս, Երիտասարդ թիւրքերն՝ տոգորւած մինչև ուղուծուծը նեղ տաճկական շօվինիզմով, յափշտակած Միթհադեան կասկածելի սահմանադրութեան «փրկարար» հեռանկարով՝ ցոյց է տւել միշտ արհամարհոտ անտարբերութիւն դէպի «գեաւովուրները» յայտարարած ինչ որ «Ֆէդէրատիւ թիւրքայի» գազափարը...

Այսօր, սակայն, Դաշնակցութեան քարոզը արձագանք է գտնում նոր ուղղութեան «Երիտասարդ տաճիկները» մէջ, որոնք խիստ հակումն են ցոյց տալիս մօտենալու դաշնակցականներին:

և որոնք տյաօր իրենց արտասահմանեան հրատարակութիւնների
մէջ—իշխան Սաբահէդդինի ղեկավարութեամբ—եռանդով արծար-
ժոււ եւն ֆէդէրացիայի սկզբունքը: Մնում է յուսալ, որ շրջահայեաց
թիւրք ինտելիգենաների այդ քարոզը հող գտնէ տաճկական լայն
խաւերում, որ տիրապետող ցեղը իզէմս իր լաւագոյն մտաւորա-
կանութեան, համակւի այն գիտակցութեամբ՝ որ ֆէդէրացիան մի-
ակ գրաւականն է բոլոր ազգերի և ամբողջ պետութեան նօրմալ,
անխախտ առաջադիմութեան:

Faint, illegible text on aged, yellowed paper. The text is mostly obscured by fading and bleed-through from the reverse side. Some faint markings are visible on the left edge, including a vertical line and some small symbols.



Լ Ո Յ Ս Ե Ն Տ Ե Ս Ե Լ

1. Բախ.— Հարուստներ և տղքատներ. II տպագրութիւն. 15 կող.
2. Պեկխոսով.— Հաց, յոյս և ազատութիւն 12 »
3. Ֆեդորովիչ.— Ինչպէս են ժողովուրդ և ծախսուած ժողովրդական փողերը 5 »
4. Կարժովիչ.— Նոր լեռան քարոզը 2 »
5. Չերևով.— Գիւղացին և բանուորը 15 »
6. Պերնրսորժեր.— Ազգային հարցը և սօցիալիքի փոփոխութիւն 5 »
7. Պրամպոյիկի.— Գիւղացիներին 15 »
8. Ե. Թովչեան.— Արհեստակցական միութիւններ 15 »
9. Նովոսորժսկի.— Ինչ է իրաւական պետութիւն 2 »
10. Ն. Կարանով.— Հողային հարցը նոր Զեւանդիայում 5 »
11. Ժան Ժորժ.— Բուրժուական սեփականութիւն և նրա ազգայ գրաւումը 5 »
12. Ս. Արեղեան.— Գեմտարակաւի ընտրութիւն 12 »
13. Կար Կառսկի.— Ազգութիւնների հարցը Ռուսաստանում 3 »
14. Ա. Անտրոնեան.— (Դարբեր)— Ազատութեան ճանապարհին 80 »
15. Ֆ. Լասալ.— Սահմանադրութեան էութեան մասին 5 »
16. Ա. Ն.— Ինչպէս կարելի է լուծել հողային հարցը 12 »
17. Վասիլի Կարլով.— Ինչ է ժողովրդականութիւնը 2 »
18. Ս. Զուարեան.— Վիճակ տեղ. գիւղական ազգար. 25 »
19. Ալփոնս Գրանս.— Ժողովրդական օրէնսդր. գաշնակ. Զւիցերիայում 20 »
20. Գիլգեսլին.— Ով ինչով է ապրում 7 »
21. — Մի գրոյց հողի մասին 5 »
22. Լ. Շիւլց.— Ազգային ժողովրդի հարցը և գիտական սօցիալ. տեսութ. 7 »
23. Ա. Նիկոլայեւ.— Կօօպերացիա 15 »
24. Շտայնցեր օգտել ձեր իրաւունքներից 1 »
26. Ա. Վ. Կուսկ.— Պետական կազմակերպ. հիմքերը Արեւմուտքում 12 »
27. Անտիլի.— Գիւղացիական հարցը Ֆրանսիայում 7 »
28. Միխայել Յովնանիսեան.— Գահակցութիւնը և նրա հակառակորդները 50 »
29. Ժ. Գեդ Եւ պ. Լամարգ.— Տնտեսական զարգացումը և Սօցիալիզմը 5 »
30. Նովոսորժսկի.— Ազգային հարց. Աւստրիայում և Ֆէդերացիա 7 »
32. Միխայել Յովնանիսեան.— Գորգեան հանգոյցը (Բուրժուական հարցի վերջին շրջանը) 20 »
33. Հրահանգներ գաւառների համար 1 »

Պատրաստուած են տպագրութեան համար.

1. Արամայիս.— Գաղափ. ճանապարհին.
2. Զակ.— Հող և կապիտալիզմ.
3. Չերևով.— Պրօլետարիատը և աշխատատեղը գիւղացիութիւնը.
4. Լասալ.— Պատմական նամակներ.
5. Վիլիամս.— Ազգային հարցը իրաւարանական տեսակէտով.
7. Շիւլց.— Ծրագրային հարցերից.
8. Չերևով.— Գաղափարային կուրսի առթիւ.
9. Չերևով.— Մանիստական տեսակէտը Սօցիալիզմի և հողի բանութեան մէջ.
10. Վանդերլիլ.— Բանուորական հարցը Բելգիայում.
11. Լասալ.— Աշխատատեղների ծրագիրը.
12. Միջազգային Սօցիալիզմը և ազգութիւնների կուրսը Աւստրիայում: (Բրիւնի Պարտայտագր.):

« Ազգային գրադարան



NL0415965

